

紫峴山人全集

紫峴山人外集卷一

湘潭張九鉞度西著

從孫 家棧 編次

晉南隨筆

洹水源

水經洹水出上黨泣氏縣左傳聲伯夢涉洹而歌注水出汲郡林慮縣東北泣氏之名見戰國時按漢置泣氏高都縣屬上黨郡後漢亦有泣氏高都北魏置建州四郡以高平泣氏屬長平郡治泣氏隋開皇閒改建州爲澤州於高平置陵川陵川當卽泣氏舊地林慮今彰德府林縣與壺關陵川接壤今陵川城北二十里有淝水發源縣境淝山東流入壺關境又東南流入縣境又東下太行山入林縣

境經彰德府安陽縣城北名安陽河以地理考之卽洹水也項羽軍漳南與章邯盟於洹水之上卽此水竹書紀年梁惠王九年晉取泣氏有泣谷水疑卽洹水也高平畢振姬據郭經水圖云洹水出洹氏縣洹氏卽泣氏之訛耳壺關以北陵川以西無水出林縣安陽者非浙水而誰漢志壺關有沾水東流朝歌入淇或亦卽此水之訛名耶

春秋赤狄地

翟狄同左傳或狄或翟總之一
侵衛等皆作狄故引用路史皆曰狄

春秋時有白狄赤狄白狄在西河今延安府昔與秦國接壤呂相絕秦云白狄及君同州君之仇讐而我之婚姻晉

重耳出奔處狄十二年而行及告寺人披余從狄君田于渭濱者是也赤狄在上黨今澤潞遼沁之間羅泌路史云神農氏七十世有天下軒轅氏興受炎帝參盧禪封赤狄於潞守其先塋以奉神農之祀參盧之後政衰其國侵削春秋時爲晉之附庸國小無綱紀民俗鄙陋猶以火德王知尙赤故謂之赤狄案赤狄之後種類蕃衍日益强大春秋莊公三十二年伐邢始見于經肆其貪虺遂滅衛殺懿公其時齊桓公雖霸而無遠略僅以管仲之言一救邢而不能正狄滅衛之罪遂使西向與晉爭晉獻公使申生伐東山臯落氏僅攻其別種而已狄於是滅溫侵衛圍齊圍衛蹂躪五國之郊無虛歲至以女隗氏之廢敢於攻王使

天子蒙塵於外，賴晉文創霸，納王亦未能正其犯順之罪。當時晉居深山，戎狄與隣，拜戎不暇，文公至作三行以禦狄，與秦楚齊號爲四強。赤狄中潞國最貪怙，晉畏其強，以成公娣妻其君嬰兒，又爲其相酈舒所殺，圍晉懷邱，其別種散於晉疆內者，皆爲之服役。迨卻成子攢，函一會，攜其黨類衆狄乃畔潞。宣公十七年，荀林父帥師滅潞，殺酈舒。次年，士會帥師滅其別種甲氏及盩，酈辰成公二年，卻克伐虢，咎如討其餘醜。虢咎如潰而後，赤狄之土地盡入於晉矣。今按高平，畢振姬及山西通志詳考其地，潞今之潞安府，盩今之純盩，辰今高平之辰墟，米今高平之米山，虢咎如在今陵川，壺關，閼，今陵川之鐸壑，皋落氏，今壺

關之中落墟水經注清水經落城北服虔曰赤水也水經河水逕平陰縣北清水注之按平陰今之平陰時爲朱啓向陽恐未必此是皋落氏甲今之榆社吁今之長子驪狄今之沁州長狄在今之沁水陽城陵今之陵川收上黨之銳阻太行之險以一面臨天下窺竄盜邊數十年爲諸姬患地勢兵力自古爲然矣作婢宜

陵川得名之始

赤狄之國皆子爵隗姓春秋時有陵子壽胡其地卽今陵川也隋開皇年建縣因陵國得名以懷汲漳諸郡水多源其上故曰陵川今陵川志沿革不及何耶崇安寺前高樓名古陵樓猶有古意

太行八陁考

陁一陁入陵川

連山中斷曰陁郭緣生遠行記云太行山自河內起至幽州凡八陁春秋以來三千餘年凡戰爭攻奪皆由此出入所謂天險之地天下之門戶也今考證於左第一軹關陁在今河南懷慶府河內縣北通山西澤州府陽城縣路由青蘿山上阜君塚口者是卽古盤谷李愿所居第二太行陁在今河南懷慶府河內縣北通山西澤州府鳳臺縣路由碗子城上橫望隘出天井關者是卽古羊腸阪第三白陁在今河南懷慶府修武縣北通山西澤州府陵川縣路由永和隘卽奪火鎮上石會關者是卽古五度關郭記云此三陁在河內郡第四滏口陁在今河南彰德府武安縣西通山西遼州路

由黃澤關上十八盤山者是卽古馬陵道

郭記云在鄴西郡

第五

井陘在今直隸眞定府井陘縣西通山西平度州路由井

陘關上固關娘子關者是卽古井陘口第六飛狐陘在今

直隸易州廣昌縣西通山西大同府靈邱縣路由紫荆關

者是卽古飛狐塞又名蜚狐口又名恆山岌第七蒲陰陘

在今保定府完縣西北通山西大同府靈邱縣路由倒馬

關者是

郭記云此三陘在中山郡

第八軍都陘在今順天府昌平州北

通延慶州路由八達嶺出全道口者是卽古居庸關

郭記云在

幽州八陘之外又有丹陘

詳見後

有廣武陘在代州雁門關

北二十里謂之西陘卽古勾注塞也又有苦陘前漢書漢

中山國縣名師古注莽曰北陘陳餘傳游趙苦陘師古注

云張晏曰苦陘漢章帝醜其名改縣爲漢昌苦陘疑卽今井陘以其艱險行旅所苦故名莽改北陘以在太行陘之地若飛狐蒲陰等陘在燕地非趙地陘乃連山中斷名未可以他處當之矣愚按太行八陘自以述征記爲正胡朏明禹貢錐指駁飛狐軍都二陘爲恆山所隔不得爲太行不知北嶽恆山在渾源州南二十里水經注可據朏明僅以漢唐望祀之上曲陽恆山爲禹貢恆山其去渾源北嶽尙遠朏明旣識宋祀下曲陽爲非又不舉水經注北嶽以正之欲改今祀北嶽於上曲陽然則南嶽衡山亦宜改祀灊嶽耶其說拘泥吾未敢從

丹陘

晉書地道記河內縣北有太行關丹陘爲關之東谷途自此去不復由關太行關卽太行陘也丹水自高平流出九江口始大曰丹谷又逕石人山出兩巖閒水經注所謂二山角犄相望南曰河內北曰上黨二郡以之分境又歷西巖大泉湧發水經注所謂洪流巨輪淵深不測是也又南合高平以南陵川以西之眾水下太行山入河內境清化鎮西水經注所謂逕鄆城西是也故地道志謂之東谷北魏永安三年爾朱世隆等自河橋退走詔行臺源子恭鎮太行壘丹谷而爾朱榮率眾南下子恭所部開柵降兆因得入洛明崇禎五年流賊紫金梁老獬等河北修武爲官兵追剿遂踰太行由柳樹口至陵川附城鎮蔓延長

治壺關殺戮甚慘則由清化鎮北上繚陂至柳樹口過北河上十八盤至陵川之峯頭堡卽丹陘也今潞安陵川高平鐵貨俱由此下河北各邑轉售羸綱駢坐矣

東孟門

孟門有二其在故屈縣龍門山淮南子所云龍門未闢呂梁未鑿河出孟門之上穆天子傳曰北登孟門九河之墜水經注孟門卽龍門之上口實爲河之巨隄是爲西孟門其東孟門舊云在太行東或卽以太行陘一路當之不知左傳襄公二十三年齊侯伐晉取朝歌爲二隊入孟門登太行張武軍於熒庭戍邯鄲封少水杜注二隊分而爲二部孟門晉隘道太行在河內郡北按朝歌今衛輝府汲縣

既取朝歌先分軍入孟門。孟門當在今輝縣一帶。次分軍登太行則由今河內入澤州路也。若以孟門爲太行陘則是一隊非二隊矣。輝縣與隣川接壤。由輝之箔壁鎮上七里棧八里碛至陵川有平田。水自黃圍山左洞泉發源下流至箔壁中設水磨。山東河北賈人運麥至此爲麵。用騾馱載運至太原。同一帶鈴鐸之聲晝夜不息。亦可肩輿升降。特不能車並軌耳。其西有馬武砦。高數百仞。昔光武經營河北。命馮異等由上黨攻太行。殺謝躬于鄴。破青犢射犬之眾。又破尤來于隆慮山中。其奇兵制勝皆由是道。東孟門在此無疑。或又以白陘卽孟門於地勢稍遠矣。金公張開拒馬武砦卽守此道。

羊腸阪

戰國策魏伐趙斷羊腸阪拔閼與括地志河內縣北有羊腸阪元和志太行陁在懷州北濶三步長四十里羊腸所經瀑布懸流實爲險隘蔡澤謂應侯決羊腸之阪塞太行之道曹孟德詩北上太行山艱哉何嵬嵬羊腸阪詰曲車輪爲之摧史記正義太行山阪遂名羊腸南屬懷州北屬澤州羊腸阪卽太行陁淮南子九山內亦稱太行羊腸孟門確鑿可證其後隋煬帝登太行山問崔曠曰何處有羊腸阪對曰案漢書地理志上黨潞州壺關縣有羊腸阪曰不是曠曰案皇甫士安撰地書云太原北九里有羊腸阪曰是也故王伯厚地理通釋及胡朏明禹貢錐指皆引

隋書爲證。通典又云。陽曲縣有乾燭谷。卽羊腸阪。鄧訓又云。今岢嵐州羊腸阪。余謂不然。羊腸阪古稱險峻。至與蠶叢鳥道並稱。豈可以壺關三里。太原十里。岢嵐五里當之耶。蓋自太原雲中。凡險仄處。俱呼羊腸。卽水經注所稱汾陽縣羊腸倉山。石陞縈紆若羊腸。故倉阪取名。皆非古羊腸也。余故辯之。以定羊腸阪之卽太行陁。

梁晉爭澤潞始末

山西通志及澤州府志言之皆不詳

唐僖宗中和三年。昭義節度使孟方立。以潞州地儉人勁。屢篡主帥。欲遷治邢州。潞人不悅。潛乞師於李克用。克用遣李克修擊之。取潞州。中和四年八月。克用表克修爲昭義節度使。鎮潞。由是昭義分爲二。一據邢磁。一據澤潞。

此李

克用取澤路之始。光啓二年，秦宗權遣將孫儒攻陷河陽，儒自稱節度使。張全義據懷州，李罕之據澤州，以拒之。三年，孫儒去河陽，李罕之召張全義於澤州，與之收合餘眾。罕之據河陽，張全義據東都，共求救於河東李克用。表罕之河陽節度使，全義爲河南尹。文德元年二月，張全義潛發屯兵，夜襲河陽。節度使李罕之奔澤州，求救於李克用。四月，李克用以其將康君立督騎七千，助李罕之攻河陽。張全義求救於朱全忠，全忠遣丁會等將兵數萬救河陽。李存孝戰敗，君立懼，引兵還。全忠表會爲畱後，張全義復爲河南尹。李罕之爲澤州刺史，兼河陽節度使。大順元年，詔朱全忠赫連鐸、李匡威討李克用。李克用巡潞州，以供具不厚。

怒節度使李克修詬而笞之克修慙憤成疾卒克用表其弟克恭爲畱後克恭驕恣潞人素樂克修簡儉以死非其罪憐之昭義有精兵號後院將克用將圖河朔令克恭選五百騎送晉陽克恭遣其將馮霸送至銅鞮霸刦其眾以叛牙將安居壽率其黨作亂克恭自焚死霸引兵入潞自爲畱後朱全忠遣河陽畱後朱崇節將兵入潞克用遣康君立李存孝將兵圍之詔以孫揆爲昭義節度使此朱全忠奪潞如七月官軍至陰地關朱全忠遣驍將葛從周將千騎潛自壺關夜抵潞州犯圍入城又遣別將攻李罕之於澤州奏請孫揆赴鎮張濬亦恐昭義遂爲汴人所據使揆將兵二千趣潞州八月發晉州李存孝以三百騎伏長子西谷

中擒揆以獻克用殺之時汴軍圍澤州呼李罕之曰相公
每恃河東今張相公圍太原葛僕射入潞府旬日之間沙
陀無穴自藏相公何路求生耶及李存孝至選精騎五百
繞汴寨呼曰我沙陀之求穴者也欲得汝肉以飽士卒可
令肥者出關鄧季筠汴之驍將引兵出戰存孝生擒之餘
眾遁去存孝大破之復攻潞州葛從周亦走歸全忠時軍
河陽亦引還克用以康君立爲昭義畱後存孝爲汾州刺
史李克用復奪潞州乾甯二年詔李克用討王行瑜克用將李存
貞李罕之李存信克邠州誅行瑜罕之求帥邠甯克用曰
行瑜恃功邀君故與公討而誅之昨破賊之日吾首趣蘇
文建赴鎮今遽二三朝野之論必謂吾輩復爲行瑜所爲

侯還鎮當更爲公論功罕之不悅復求小鎮養疾克用亦

不許罕之不悅及昭義節度使薛志勤卒罕之擅引澤州

兵夜入潞州據之克用怒使人讓之罕之遂請降於朱全

忠全忠表罕之爲昭義節度使

潞州澤州並附朱全忠

克用遣李君

慶圍潞州朱全忠遣張敬存救之君慶解圍去克用誅君

慶以李嗣昭代之嗣昭先由澤州至含山擒其一將斬首

三千級遂入澤州收罕之家屬送於晉陽

克用復取澤州

李罕之

死朱全忠使賀德倫守潞州嗣昭日以鐵騎環其城捕芻

牧者附城三十里禾黍皆刈之德倫宵遁克用表孟遷爲

畱後

克用復奪潞州

天復元年李克用遣使請好於朱全忠全忠

憤其辭蹇傲三月遣氏叔琮等分道攻之沁澤潞遼等州

皆降

全忠復奔澤潞

昭宣帝天祐三年十月李克用遣周德威李

嗣昭將兵與劉仁恭共攻潞州十二月昭義節度使丁會

降於克用全忠引兵還初昭宗凶訃至潞州會帥將士縞

素流涕久之及李嗣昭攻潞州會舉軍降之李克用以嗣

昭爲昭義節度使

李克用復攻潞州

天祐四年

時朱全忠已篡唐建

號開平國號梁李克用以唐晉王爵仍稱天祐年號國曰晉

梁遣康懷貞攻潞州晉李

嗣昭閉城拒守懷貞攻擊半月不克乃築壘穿蚰蜒塹而

守之內外斷絕晉王以周德威爲行營都指揮使救之八

月周德威壁於高河康懷貞遣親騎擊之不克梁王遣李

思安代之至潞州城下更築壘城內以防奔突外以拒援

兵謂之夾寨訶山東民餉軍德威日以輕騎抄之思安

乃自東南山口築甬道屬於入寨德威與諸將互往攻之
晝夜數十發梁兵疲於奔命堅壁不出天祐五年晉王克
用薨初李嗣昭與周德威有隙晉王臨終謂嗣昭存勗曰
進通忠孝吾愛之深今不出重圍豈德威不忘舊怨耶汝
爲吾以此意諭之若潞圍不解吾死不瞑目矣進通嗣昭
小字也時李思安攻潞州不去將校四千餘人士卒以
萬計梁王聞晉王薨疑詐死欲召兵還恐晉人躡之乃議
自至澤州應接歸師嗣昭固守踰年城內資用將竭梁主
數遣使諭降嗣昭焚其書斬使者梁主欲召兵還諸將以
克用死師且退上黨城無援更留旬月以待之梁夾寨亦
不設備晉王與諸將謀曰上黨河東之藩蔽無上黨是無

河東也。朱溫所憚。惟先王。聞吾新立。以爲童子。未嫻軍旅。必有驕怠之心。若簡精兵。倍道趨之。出其不意。破之必矣。乃大閱兵。以丁會爲招討使。帥德威等發晉陽。晉王伏兵三垂岡下。詰旦。大霧。進兵。直抵寨。梁軍無斥堠。將士尙未起。晉王命周德威、李嗣源分爲二道。填坑燒寨。鼓譟而入。梁兵大潰。南走。招討使符道昭馬倒被殺。亡將士萬計。委棄輜重山積。德威至城下。呼嗣昭曰。先王已薨。今王自來破賊。賊已去矣。嗣昭不信。曰。此必爲賊所得。來誑我。王自呼之。嗣昭見王白服大慟。幾絕。乃開門。梁主聞夾寨不守。大驚。旣而嘆曰。生子當如李亞子。克用爲不亡矣。周德威乘勝攻澤州。梁統軍牛存節將兵應接。潰兵至天井關。謂

其將曰澤州要害地不可失也遂舉策而前至澤州城中
已欲應晉存節至乃定德威至攻之存節晝夜拒戰旬有
三日劉知俊引兵救之德威退保高平天祐十七年朱友
謙以河中降晉朱友珪遣招討使韓勣將康懷英兵五萬
擊友謙晉王出澤潞以救之遇懷英於解州大破之澤州屬晉
此時天祐十九年晉師圍梁鎮州不克退保趙州晉王以
李嗣昭爲招討使嗣昭設伏邀擊之殺獲殆盡鎮兵發矢
中其腦嗣昭拔矢射之一發而殪是夕亦卒晉王聞之不
御酒肉者累日嗣昭遺命悉以澤潞校判官任圜督諸軍
攻鎮州晉王以李存信爲招討使令嗣昭諸子扶喪歸晉
陽其子繼能不受命帥兵擁喪歸潞州嗣昭七子繼儔當

襲爵素懦弱繼韜凶狡囚之詐令士卒劫己爲畱後晉王不得已改昭義爲安義以繼韜爲畱後天祐二十年二月李繼韜以潞州叛降梁其將裴約據澤州不下初繼韜爲畱後內不自安幕僚魏琢牙將申蒙從而間之曰晉朝無人終爲梁人所併耳弟繼遠亦勸之乃使繼遠詣大梁請降梁主大喜以繼韜爲節度使安義舊將裴約戍澤州泣諭其眾曰余事故使謂嗣昭也踰二紀見其分財享士志滅仇讐不幸捐館柩猶未葬而郎君遠背君親吾甯死不從也遂據州自守梁將董璋攻之潞州復屬梁後唐莊宗存勗同光元年裴約遣使告急唐主曰吾兄不幸乃生梟獍裴約獨能知順逆顧謂指揮使李罕之曰澤州彈丸之地朕無所

用爲我取裴約來八月紹斌至城已陷約死之唐主深惜之澤州復屬梁十月唐滅梁澤潞皆入于唐誅繼韜並誅繼遠梁晉爭奪澤潞凡四十餘年互得互失因查唐書及五代史紀其顛末使覽者知考焉

圩舂之祀

圩舂之名見於諸史者唐書五行志開元二十二年八月榆關圩舂害稼入平州界有羣雀食之一日而盡二十六年圩舂蟲害稼廣德元年秋圩舂害稼關中尤甚斗米千錢太和元年秋河東虢州圩舂害稼五代史梁開平八月同州圩舂生宋史太平興國五年秋北海圩舂生圩舂之害多在秦晉故高平有圩舂嶺陵川有圩舂廟陵川廟神

袁冕宮女侍列詢之曰唐太宗以曾吞蝗故祀之是以好
蚘爲蝗矣按詩去其螟螣及其蟊賊無害我田穉注食心
爲螟食葉爲螣食根爲蟊食節爲賊說文蝗螽也陸佃云
蝗字从皇今首腹皆有皇字師古注蝗卽螽陸璣螽字疏
今人謂蝗爲螽子兗州人謂之螽則螽卽蝗矣又云螟似
好蚘而頭不赤好蚘是螟一類郡志又云卽食米强蟀陸
佃云强蟀食禾苗黑色詢之士人亦然齊民要術載汜勝
之術曰牽馬令就穀堆食數口以馬踐過爲種無好蚘太
原亦有好蚘廟秀水朱彝尊作碑記甚工然不載神之何
冕服自非如陵川祀唐太宗爲可晒而今各省祀劉猛將
軍爲蝗神云宋大將劉錡之弟銳未知所據聞河南偃師

鞏縣則祀漢文帝母薄太后爲蝗神蝗神古不載祀典卽禮入蜡索饗昆蟲之意詩曰田祖有神秉畀炎火不如祀先農爲正

冰雹之祀

太行地高峻夏月有雨風雷交厲卽成冰雹數百里禾黍蕩然一空陵川民祀冰雹神於龍神廟儀衛最盛神面深赤繡螭龍袞手執弓矢詢之曰羿也以射九日祀之堯命羿射十日落爲沃焦乃荒唐之說祀爲雹神尤乖誕董江都云陰氣脅陽氣則爲雹左傳昭公四年大雨雹季武子問申豐欲禦之申豐對以聖人在上無雹雖有不爲災有藏冰出冰之法其藏之黑牡秬黍以享司寒獻羔而啓之

自命夫命婦至老疾無不受冰藏之周用之備故無愆陽
伏陰雷出不震無菑霜雹三代以下藏冰出冰之禮廢故
史載雷風冰雹爲害者不一按杜注司寒爲元冥北方之
神盍舉藏冰禮以祀司寒耶

媧皇窟

共工氏頭觸不周山崩天柱折地維裂女媧氏鍊五色石
以補之迺列子寓言之妄先儒駁之詳矣高都東高峯有
媧皇窟俗傳爲鍊石之所峯壁赭赤山色焦枯如壞甕狀
大小不一處陵川亦有之何處無石山赭色必以女媧陵
近在遂以鍊石補天實列子譌語附會至此真可捧腹耳
季隗當入陵川列女

晉文公妃季隗赤狄廐咎如之女文公奔白狄時白狄伐廐咎如獲而納之文公生伯儵叔劉二子患難伉儷十二年觀其對文公語卓然有巾幗英雄氣概與齊姜並爲春秋時奇女子一統志山西通志皆列季隗於平陽府列女陵川古廐咎如地其所生之國不載列女何耶

石勒墓

陵川城北門外崇安寺左有大塚高三丈餘方可數畝碑稱趙石勒墓史載勒死輜車四出夜潛瘞山谷間人莫知其處蓋效尉陀曹孟德之故智耳勒爲沁州武鄉人後趙都襄國皆不出五百里太行險峻而僻可爲秘墓或曰眞墓在寺中佛座下隋時建寺不知下爲勒眞墓置大殿於

上後金元間修寺欲掘勒墓有怪風起穴作吼聲懼而掩之勒以梟雄之姿移晉祚滅僞漢虎踞二十四郡死後千餘年豈靈尙栖於此耶一統志載之不知據何書也

掌 迥 迥

上黨各邑山高而銳者曰掌陵川城西南栖鳳掌是也按華嶽有巨靈掌掌之名大約始此又山逕高險而深狹者曰迥陵川之五靈脂迥陽城之蓮花迥是也其以迥名者不一而足鳳臺有鹿迹迥篇海云迥音脰緩步也迥字見張衡西京賦結罝百里迥杜蹊塞注迥道也蹊逕也皆以網杜塞之也爾雅釋獸兔其跡迥注兔跡名迥集韻音航韻會音剛集韻又音降車迹也正字通車迹獸迹皆曰迥

迄猶通車迪則極險故用緩步耳

陵川應建霜神祠

陵川地高八月中秋後卽收穫遲則隕霜盡殺矣先叔父湘帆公坊宰天鎮時曾建霜神祠於城外有霜神祠記後連年霜不早隕爲害時有關外三年不早霜之頌邊地數百里至今德之叔

陛見時

純廟詢創立規制甚悲惜其時大吏未有循例奏請與風雲雷雨同祀南壇者陵川地在晉南氣候與關外相同亦應建霜神廟與冰雹並重祀典爲是

陵川當興水利

陵川高中州九千八百仞諸峯川澗若建瓴雨則洪水破
崖直瀉澗可立待故其地恆苦旱無雨則束手待槁今從
高都過附城鎮一帶多有泉走亂石閒琮琤如竿瑟可聽
人潄之爲小池各村數里外出汲以騾馬駕桶運之甌取
不匱詢之土人云但可涸酌不能蓄洩然余游陵川栖鳳
掌下有龍頭泉自石龍口出晝夜瀾瀾匯爲大石池夏不
竭冬不涸甘冽異常松翠竹香坐輒永日其泉出池下散
漫崖谷至西溪二仙廟遂無蹤跡亦無有探索者若用疏
導之法累石爲陂盈科而進水必充裕或如吾楚祝融峯
頂太陽泉老女規法鑿石爲渠分散接引即可備灌漑之

老女規在祝融峯頂一貞女事父母不嫌以紡績資作
石規引太陽泉自上而下分注各村計四十餘里灌田

數萬頃

其各僧坊皆以竹規接飲爲利甚大

卽所云川澗洪流下瀉非如瀑布

直注中頗有坎窞曲折澗左大可用亂石隄鐵鑿固爲陂分殺其流大可蓄蓄層次而下亦可備引注今太行之白洋泉亦出自涓滴導引始大今能濟運作磨爲利無窮是其證矣陸深河汾燕闕錄云晉水澗雖濁流怒號稍爲隄竭皆水利有司旣不暇及而晉人簡情亦復不知此事余謂晉人非簡情富者操奇贏貧者工廢著奔走天下驚末輕農耳澤州秋木莊王氏自太行絕頂濬諸泉用巨石壅爲長渠銜尾相接令緣絕壁間逶迤數十里注莊中莊廣輪十里園亭最盛池沼嶼澹泉皆旋繞令滿竟可通舟泛玩其餘分流諸村澆田幾數十萬頃故鳳臺富饒甲晉中

豈非疏濬溝渠之利乎夫水泉地之筋絡膏血也弛之則
窒疏之則利天下無不可引之川無不可濬之泉矧太行
博大奧衍出雲雨滋萬物豈吝此涓滴爲民作乳哺救飢
渴耶唐李抱真爲澤潞節度使事耕屯蠲租賦二州之地
民富兵强安史煽亂蹂躪河北兩京不敢踰太行尺寸非
講求水利何以耕屯陵川居河北諸州之源民俗褊嗇有
唐魏遺風而勇於從義凡各村神廟無不經營鞏固反覆
開導從容指畫係秋木莊王氏法并一邑之力實心爲之
必樂於從事漸有實效吾願爲忠信之長慈惠之師借一
箸焉可乎

上黨說

武林朱太守璋云張儀曰上黨爲天下脊以太行一山千里片石縣延峯嶺直溯雲代亘自西北繚界東南河流因之委蛇蓋中原門限也秦時有兩上黨之名澤與潞之謂語曰與天爲黨極寰宇之上地爲東西分分區故自河內見則萬仞壁立自朝歌望如黑雲天半河東河北河南皆旋趾而處於山之下其勢爲東西絕險也劉中壘記有武王欲築五行之宮周公謂在德不在險亦以此爲天險之所在晉之伯秦之爭無論已至唐之節鎮特控制河北至德閒始置澤潞節度使大厯初兼相衛六州軍口昭義其閒增廢若陳邢洺趙儀潁鄭懷者不一在貞元時惟澤潞邢磁洺五州入後孟方立李克用忽分忽合成敗無常然

南收懷潁北攝磁洛陳衛距前儀鄭拊後憑高蒞下若建

瓴然雄定一關

天井關唐曰太行宋曰雄定

屹然重雲中萬夫莫越我

去則易彼來則難安史陷河北尺寸不能踰太行以昭義

扼其吭而不得逞爾

昭義大恩初所併設名安史時止有澤潞節度此語尙疏其他魏

齊周隋梁唐晉漢互爲角逐得者昌失者蹙先者勝後者

覆形勝之國不爲無據秀源周氏云元魏分割致令勢偏

一太行也而東西北三隸之惟澤則獨當一面是則上黨

爲天下中堅天下倚上黨爲磐石田悅謂腹中之眼則澤

之一隅所繫獨大二君之論皆得今古形勢故采錄之以

爲守土者著奠安於方寸焉

岑頭堡下十里曰高都鎮市集如雲百貨駢陳有漢前
將廟樹煥內外有大松入蔭鬱參天俗呼八樹廟有
橋柴溪亦鉅麗高都卽舊晉城晉趙魏韓三家遷其君靖
公俱酒居此按秦虎踞西陲恆有囊括中原之志惟晉國
勢強兵力勁足以遏之大小十餘戰摧其虜氣終春秋二
百四十年不敢越蒲津自三家肆暴瓜分晉祚其勢漸散
秦始得以詐力蠶食鯨吞遂使周鼎沉淪先王大經大法
禮樂制度蕩然無存世局遷流實始於此懷古者過之不
勝感喟

西溪二仙女祠

唐時陵川樂氏二女事後母最孝後母虐之令入山采薪

二女每日往返不踰程刻一日方采樵有二黃龍自天降
二女各騎之冲舉晉南數州郡水旱疾疫禱之輒應然未
有湍祠至宋崇寧中征西夏軍中轉餉不繼方以爲憂忽
有二女子詣營言善作術炊爨迺設厨竈一日能給萬餘
人之食轉餉至求去自云吾姊妹陵川樂氏女唐時以孝
後母得證仙奉上帝命來助王師言訖不見大帥以聞詔
封姊冲惠真人妹冲淑真人勅令陵川建祠以祀塑像成
將祀之城中像重昇之不動巫言當祠我西溪濱迺遵神
言建廟焉廟鉅麗甲數州郡古栢最夥階前二栢約五十
餘圍高不可計尋丈癭皆大如甕空洞離奇霜皮雪鬣詭
貳形難罄殿中二仙像翠羽明璫丹裳繡履仙容廣大神

采飛揚謁者不敢仰視兩旁侍女十二司每月事一小鬟
獨司閨月皆極妍麗嬰冠劒珮蜚襪鸞帶捧鳳籙夾立傳
爲三晉高手所塑太行苦寒惟西溪春三月桃柳綠岸暖
如江南蓋神靈所栖貺民娛樂也城中別建祠正月廟會
眾貨畢陳云

陵川應增各隘戍

陵川踞上黨絕頂俯視中原石會關奪火鎖卽古孟門白
陁險阨春秋赤狄虢踞兵力最强赤狄滅後爲晉所有嗣
後天下有事羣雄皆於此奪隘出入齊莊公伐晉秦王剪
窺趙漢世祖破赤眉青犢高歡收鄴郡爾朱榮破懷入洛
皆以爲擣虛之路明流賊自河南陷太原分道由奪火鎖

柳樹口入澤潞副使王肇生，櫻城血戰，城陷，與裨將董時增四人皆自刎以殉。賊遂長驅入太原。

國初，姜逆由太原捲沁澤道出城下，將窺山東。邑令李公向禹登城大罵，力數其罪。賊氣沮，圍十餘日，力竭被執，逆百計誘降，令爲鄉導。李罵不絕口，遂遇害。而王師已由蒲關渡河，直搗太原。賊棄陵川迎戰，平陽王師一戰盡殲之。逆伏誅，未必非陵川一遏之力。近者壽張逆賊煽亂河東，總兵移大營於此，以壯聲援。賊平後，始撤歸。地雖彈丸，實居要害。乾隆初年，澤州太守武林朱璋親歷諸隘口，相度增戍墩，添守卒，密偵緝，載在郡志。今各隘武備稍弛，未雨綢繆，望守土者時爲稽察焉。

李公奉天鐵嶺人以明經任殉節後八年邑令黃公燦始上其事

贈按察司僉事妻王氏二女一婢城未破先縊死妻贈恭人二女俱有卹

詔建崇祠以祀附紀於後

男如泰沃
姪聲有普孫啓豐
裕幹

紫峴山人外集卷二

荆潭張九鉞度西著

從孫家斌

編次

山川考略

周都

成周

昭三十二年天子曰昔成王合諸侯城成周以爲東都崇文德焉杜注作成周遷殷民以爲京師之東都

所以崇文王之德是謂下郊洛誥周公曰我又卜瀍水東亦惟洛食孔氏疏瀍水東卽下都也書序云東郊成

周鄭氏注天子之國五十里爲近郊今河南洛陽相去則然地理通釋云周公往營成周乃東都總名河南成

周之王城也洛陽成周之下都也王城惟天子時會諸侯則處之下都爲保釐大臣所居治事之地周人朝夕

受事習見既久遂獨指爲成周何休曰名爲成周者周道始成王所都也晉太康地追記王城去洛城四十里

括地志以爲二十六里按自今十里鋪起至今洛陽偃師二縣交界皆下都地卽漢魏晉後魏之所都也今白

馬寺以北暨洛河南地皆有城形斷續揆立風雨不壞卽漢魏晉後魏之所築城也余嘗停車其間後倚北邙

卷之二十一 山川考略

一

前帶洛水南屏黃華萬安諸山如公侯卿相執笏羅列
南伊闕口東轅轅口適當其中原野濶大規模雄壯較
王城更爲宏敞宜周公所宅以爲保釐勤政之所漢魏
以來實遷都焉所謂形勢居勝耳營洛之意本兆於武
王既克商遷九鼎於洛邑所謂我南望三塗北望嶽鄙
顧詹有河粵詹洛伊毋遠天室而周公城之而後去也
按召公攻位于洛汭周公達觀于新邑營周公初志原
止欲崇王城耳後思欲遷殷民庶頑不可與新天子一
城雜處復欲營下都以處殷民而設保釐大臣以治之
及來卜王城于澗東瀍西卜則吉卜下都于瀍水東卜
又言於是先營下都以處殷民復營王城以爲會同朝
覲之所其計慮深遠矣竊意未營洛之先洛已有邑必
有城郭人民以安九鼎周公然後先遷殷頑于洛其後
乃營下都以奠安之耳不然召公經營之時以庶殷攻
位豈數百里外役殷舊都之頑
民耶先稱邑後乃稱城稱都耳

雒邑

桓三年遷九鼎于洛邑杜注王城今河南城也遷鼎
時但營洛邑未有都城至周公乃卒營雒邑謂之王
城平王自鎬東遷居此孝經援神契曰八方之廣周洛
爲中謂之洛邑按洛陽縣之名秦時始置漢以火德丁
未卜加雒爲雒邑也在
今河南府洛陽縣治

邠

桓七年王遷盟向之民于邠襄二十四年齊人城邠

年

成王定鼎于邠漢地理志河南縣故邠也

周書

周公將致政大作大邑成周中土南繁于洛水

北因

于邠山以爲天下之大湊方六百里因西八百里

爲千

里京相璠曰邠山名邠地邑也下年定鼎爲王之

東都

謂之新邑是謂王城其東南名曰鼎門

蓋九

鼎所從入也今府城西有邠陌卽此

關西

莊二十一年鄭伯享王于闕西辟杜汪闕象魏也

白虎

闕蒼龍闕北闕南宮闕今闕闔門外夾建巨闕以

應天

宿雖不如禮猶象而魏之按王宮城門南曰闕闔

西曰

千秋又有雲龍神虎掖門通門西

辟當

在闕闔門外朱雀白虎兩闕之間

狄泉

昭二十三年天王居于狄泉杜注洛陽城內時在城

外正

義狄泉至定元年城成周乃繞之城內水經注

翟泉

南北百一十步東西七十步今洛陽太倉中大冢

是也

按周烈王葬洛陽城內東北隅景王冢在洛陽太

倉中

狄泉在雨冢之間

側廣

莫門道東建春門

左巷

王子朝入于王城次于左巷杜注近東城

乾祭

昭

二十四年土景伯立于乾祭而問于介冏杜注王

城十二門水經注穀水又東流逕繞乾祭門卽此按王之東曰開陽南曰平昌北曰乾祭東曰東陽西曰西陽南曰宣陽上東門曰建春上西門曰閭闔北之東曰廣莫北之西曰大夏百官志洛陽十二門每門侯一人六百石

周邑

溫

十二邑附見隱三年鄭祭足帥師取溫之麥杜注今河南溫縣成周洛陽縣也在今河南懷慶府溫縣西南三十里溫故城案隱十一年王取鄆劉蕢邲之田于鄭而

與鄭人蘇忿生之田溫原緄樊鄆邲蕢茅向盟州陘出

懷杜註溫今溫縣莊十九年五大夫因蘇氏以作亂出

奔溫傷十年秋滅溫蘇子奔衛二十五年右師圍溫是

也原在沁水縣西漢地理志軹縣孟康曰原鄉在今濟

源縣西北緄在野王縣西南後漢志波縣有緄城在今濟

水又東南逕陽城東陽亦樊也一曰陽樊縣在懷

理志西南僂二十五取太叔于溫殺之于陽樊縣前漢地

州志嘉縣東北二十五里獲嘉古修武縣北括也志在懷

修武縣北又有一邱際山世謂之勒邱疑卽古潁茅是

修武縣北又有一邱際山世謂之勒邱疑卽古潁茅是

修武縣北又有一邱際山世謂之勒邱疑卽古潁茅是

也。有故向城。名有地名。向上。隔。二十三州。志。軹縣。
津也。禹貢。東至于盟津。亦曰富平。津。州。今。縣。昭。二。
晉侯曰。子豐有勞于晉。賜汝州田。注。州。縣。今。屬。河。內。郡。
城陽。淳于縣。古。州。國。是也。陘。陶。括。地。志。在。鄭。州。新。鄭。縣。
西南三十里。蹟。在。修。武。縣。北。京。田。瑤。曰。河。內。修。武。縣。北。
有故蹟。城。今。謂。之。皮。垣。懷。今。懷。縣。水。經。注。沁。水。又。東。逕。
州。縣。北。又。東。過。懷。縣。北。春秋。赤。翟。伐。晉。圍。懷。是也。王。莽。
以爲河內。故河內郡治也。凡十二邑。一。子。一。奪。皆。王。所。
不能。有。者。也。近。億。二。十。五。年。晉。侯。制。王。王。與。之。陽。樊。溫。
原。擢。茅。之。曰。夫。所。謂。陽。樊。溫。原。擢。茅。者。又。卽。王。畿。內。之。
田。奪。之。司。寇。以。與。鄭。人。者。但。不。知。何。時。復。歸。之。王。而。更。
與。晉。侯。豈。蘇。氏。據。邑。叛。王。不。爲。鄭。有。與。抑。郭。劉。蒍。邢。取。
而。復。歸。之。鄭。耶。或。曰。鄭。武。公。傅。平。王。平。王。賜。之。自。虎。牢。
以。東。後。失。其。地。惠。王。復。與。之。慈。生。之。田。鄭。或。未。得。未。可。
知也。按。僖。十。年。秋。滅。浞。溫。子。奔。衛。襄。王。以。賜。晉。文。公。二。
十。五。年。晉。師。次。于。陽。樊。是。冬。圍。原。退。一。舍。而。原。降。國。語。
曰。王。以。陽。樊。賜。晉。陽。人。不。服。文。公。圍。之。倉。葛。曰。陽。有。夏。
商。之。嗣。典。樊。仲。之。官。守。焉。公。乃。出。陽。人。又。莊。三。十。年。樊。
氏。叛。王。使。虢。公。伐。樊。執。仲。皮。歸。于。京。師。此。陽。樊。溫。原。所。
以。賜。晉。之。原。委。也。惟。擢。茅。無。可。據。又。案。杜。注。以。陽。廓。爲。
一。邑。擢。茅。爲。一。邑。廣。與。記。擢。城。在。修。武。史。記。修。武。軹。縣。

有茅亭據此

又爲二邑矣

河陽

依二十八天年天王狩于河陽杜注晉地言狩非其地

城服虔賈逵曰河陽溫也按漢地理志郡國志晉地道

記皆云河陽別縣非溫邑也水經注今河北見者河陽

城故治也在治阪西北蓋晉之

溫邑今孟縣西南治阪津是也

鄆

威十一年晉郤至與周爭鄆田杜注溫別邑今河南懷

縣西南有鄆人亭

郊要餞

昭二十二年王子朝帥郊要餞之甲以逐劉子杜

注三邑皆周地後晉人圍郊王師在郊皆在此與

秦伯伐晉取王官及郊另是一地水經

注洛水又東要水出焉要邑當在此

揚

壬戌劉子彝揚杜注周邑

頌

王子還奉王以追單子及頌人盟而復杜注周邑

汜

王師軍汜于解次于任人杜注王師分在三邑洛陽

西南有大解小解水經注河水又東過成皋縣東合汜

水

郊鄆

昭二十三年壬戌二師圍郊癸卯郊鄆潰杜注郊鄆周邑昔子朝所得二師王師晉師也河南鞏縣西南

有地名鄆中水經注洛水又北逕鄆師城東東北恩鄆中水南謂之南鄆亦曰上鄆周大夫鄆肸之舊邑也在

今河南府鞏縣西南鞏洛渡

莒

昭二十六年陰忌犇莒以叛杜注周邑若莒國在城陽莒縣

鄆

昭二十九年王子趙車入于鄆以叛杜注周邑

馮

定六年鄭於是乎伐馮滑胥負黍狐人闕外杜注周六邑水經注濟水出滎陽城西南李澤卽古馮池也地理志滎陽縣馮池在西南卽此

滑

王次子滑王師起于滑杜注胥靡滑周地本鄭邑水經注休水又經延壽城南緄氏縣治故滑費春秋滑國所

都也王莽更名中亭卽今緄氏城也

胥靡

定六年晉閻沒成周且城胥靡杜注周地本鄭邑又昭二十六年王入于胥靡在今河南懷慶兩府交界

負黍

杜注陽城縣西南有負黍亭京相璠曰在潁川陽城縣西南二十七里史記韓世家秦取韓負黍正義在

洛陽城西三十七里當以正義爲確

狐人

水經注：潁水南出，逕胡城東，故潁陰縣之狐人亭也。

闕外

卽闕塞地，昭二十六年王使女寬守闕塞，此言闕外者，伊闕之外也。當在今闕口之南，京相璠曰：今洛陽

西南五十里，伊闕外前亭，按前亭卽前城，昭二十二年，前城人敗陸渾于社前城，社蓋在闕外。

儀栗

定七年，周儋駟入于儀栗，以叛，杜注：周邑，八月，單子伐穀城，劉子伐儀栗，以定王室，在今洛陽縣治西。

周地

瓦屋

隱八年，公及宋公齊侯衛侯盟于瓦屋，杜注：周地。

坎猷

僖二十四年，王遂出，及坎猷，杜注：周地，在今河南府

郟垂

公十七年，甘斂敗戎于郟垂，杜注：垂亭在新城縣北

渙梁

六年，會于渙梁，爾雅：梁莫大于渙，渙梁水，

輶輶

府，十一使候出諸輶，杜注：輶，輶也，今在河南

維汭

昭元年趙孟簡于洛汭水經注汭汭谷張儀謂下兵三川塞什谷之口

府鞏縣北

三十里

頽

昭元年景王使劉定公勞趙孟于頽九年梁丙辛陰

伐頽杜注頽水在陽城縣方輿紀要陽城廢縣木周之

甘鹿

謂之陽城後入韓秦亦爲陽城縣陳勝陽城人

榮錡氏

昭二十二年王奔于榮錡氏杜注河南鞏縣西有

皇

王猛居于皇杜注周地河南鞏縣西南有黃亭今在河

東閼

單氏伐東閼路史周地杜注洛東南有閼鄉

社

前城人敢陸渾于社杜注周地黃河兩自偃師界至鞏

縣洛水入之有五社渡又有五社津光武幸懷遺耿弇

陰

晉籍談軍于陰漢平陰地今爲河南府孟津縣治又昭

二十三年晉師在平陰卽此陰也

五

侯氏

荀彧軍于侯氏杜注周地卽穰氏今河南府偃師縣東南二十里有穰氏廢縣

谿泉

賈卒軍于谿泉杜注鞏縣西南有明谿泉

訾

昭二十三年單子取訾路史曰訾有二西訾在洛東訾在鞏此蓋西訾也二十四年河津人得子朝用于河之

實陰不佞拘之王定而獻之與之東訾二十五

公焚東訾始爲鞏縣之訾杜氏混而一之則傳文東字爲贅矣

荊

尹辛攻荊杜注河南縣西南荊鄉今在河南府洛陽縣西南

尸氏

昭二十六年劉人敗王城之師于尸氏卽尸鄉在今河南府偃師縣西三十里田橫自刎處

渠

劉子以王出次于渠杜注周地卽陽渠也周公所鑿在今河南府鞏縣西

隄

遂軍圍澤次于隄上杜注皆周地漢書河決酸棗東潰金隄寰宇記金隄在洛陽縣西南二十三里時漢

興未四十年河道始決金隄係三代時物明矣所云隄上疑卽此

周山川

轅轅

襄二十一年使侯出諸轅轅關在緄氏縣東南轅轅山名在今河南府鞏縣西南七十里其坂有十二曲

將去復還故名

關塞

昭二十六年晉知轅趙鞅納王使女寬守關塞杜注洛陽西南伊闕口也關塞山今在河南府洛陽縣城

南三十里一名龍門一名伊闕一名關口志云山之東曰香山西曰龍門大禹疏以通水兩山對峙石壁峭立

望之若闕神水歷其間故曰伊闕

北山

昭二十二年王田北山杜注北邙也一作芒山北邙山在今河南府治洛陽縣城北十里山連偃師孟津

鞏三縣綿亘四百里在城之北故曰北山一名邙山成

王定鼎于邙邙卽此亦謂之邙王城之別名桓七年遷盟向之民于邙襄二十四年齊人城邙杜注皆云邙王

城也今在府城西有邙邙陌亦曰邙山亦曰邙山東漢諸陵及唐宋諸名臣墓多在此

三塗

昭四年四嶽三塗陽城太室九州之險杜注三塗在河南陸渾縣南三塗山在今河南府嵩縣南水經注

伊水歷崖口山翼崖深高壁立如闕伊水穿峽北流卽古三塗山武王所謂南望三塗是也金志嵩縣有三塗

山服處以三塗爲道觀春秋晉伐陸渾有事于三塗卽知是山明矣

陽城

杜注在陽城縣東北陽城山在今河南府登封縣北杜注在陽城縣東北陽城山在今河南府登封縣北

立圭測景漢唐因之

太室

杜注在陽城縣西南太室山在今河南府登封縣北杜注在陽城縣西南太室山在今河南府登封縣北

卽方外山也嵩山三十六峯東曰太室西曰少室嵩高其總名

施谷

昭二十六年王城人劉人職于施谷

荏谷

丁丑王次于荏谷案太谷在今洛陽縣東後漢書孫堅進軍大谷距洛九十里其谷連亘至潁陽縣何進

設入關大谷其一也周之荏谷施谷蓋皆大谷之支徑

河

昭二十四年王于朝用成周之寶珪于河大河經河南府洛陽縣北境禹貢東過洛汭正當王城之東北故子

朝用珪于河以求福也

洛水

昭元年趙孟館于洛汭杜注洛水在鞏縣南水曲流爲汭汭汭在今河南府鞏縣東北三十里後漢書

縣註夏人東五弟侯于洛之汭卽此水經注洛水入河之處清濁異流亦名什谷隔于此置洛口倉以洛水東

逕洛汭北對瑯琊渚入河謂之洛口

伊水

伊水南陽蔓渠山逕陸渾縣三塗山東注虢略其地卽辛

有過伊川見被髮而野祭處後漢書則云伊水出盧氏

近志因之謂伊川出盧氏閼頓嶺東流經嵩縣洛陽偃

穀水

入洛水蓋原有二水合流諸家各言所見耳

穀水襄陽縣王城北門外昭二十四年土景伯立于乾

祭杜註乾祭王城北門水經注穀水又東繞乾門北于

湍水

昭二十二年王猛居于皇杜注河南府鞏縣西南有

黃亭案後漢志湍水卽皇也水經注雒水合于谿泉

渙水

又東渙水注之卽古湍水京相璠曰黃亭在潁城北三里今在鞏縣西北

渙水襄十六年會于渙梁杜注渙水出河內軹縣東南至

溫入河案爾雅梁莫大於渙梁渙梁水隄也渙水源

七

出懷慶府濟源縣
東北俗呼曰澗泉

翟泉

昭二十二年天王居狄泉亦曰翟杜注洛陽城內大倉西南池水也案敬王初居狄泉尙在城外至昭公

三十二年合諸侯之大夫于狄泉以其地
大咸周之威乃繞狄泉于城內今乾無水

酒泉

莊二十一年王與狄公酒泉杜注周邑今陝西同州府澄城縣有溫泉西注于洛又有甘泉出囿谷中造

地跨河東西後入于晉
酒尤佳名曰酒泉蓋號

平陰

昭二十三年晉師在平陰今河陰縣案平陰古爲津濟處後置平陰縣以縣在平津大河之閒故名魏晉

改曰河陰縣唐改曰河清縣至金移于河南岸改曰孟
津縣即今河南府之孟津縣治也杜注之河陰縣與鄭

州之河
陰有別

魯都

曲阜

今爲山東兗州府曲阜縣治應劭曰曲阜在魯城中委曲長七八里自春秋至戰國魯世世都之

黨氏溝

哀十一年季孫使冉季侯于黨氏之溝杜注朝中地名

棘下地

定八年公斂處父與陽虎戰于棘下杜注城內地

蒲固

襄四年季孫樹六摺于蒲固東門之外杜注塲圃名

五父之衢

襄十一年季武子將作三軍詛于五父之衢白

聊莖城

孔子還轍息鄒卽此今曲阜縣與鄒縣相接處

魯邑

郎

隱元年費伯帥師城郎杜注魯邑高平方與縣東南有

衛侯

鄭伯戰于郎莊十年齊師

費

見上魯大夫費季父之食邑與讀曰秘者有別在今兗

棠

隱五年公觀魚于棠棠濟上之邑杜注高平方與縣北

高臺

二丈許下臨水昔魯侯觀魚處在今魚臺縣東北

中邱

隱七年城中邱公羊云丙之邑也杜注在鄆鄆臨沂

防

隱九年公會齊侯于防杜注在瑯琊華縣東南案魯有雨防此所謂東防也在今沂州府費縣東北六十里世

防

隱十一年敗朱師于營辛巳取防此所謂西防也杜注高平昌邑縣西南有西防城朱防既爲魯有欲別于臧氏之防故謂之西防在今兗州府金鄉縣西北

菟裘

隱十一年使營菟裘杜注魯邑在泰山梁父縣南在今兗州府泗水縣西北

許田

桓元年鄭伯以璧假許田寰宇記許昌城南四十里有魯城在今河南許州府東境爲魯朝宿邑鄭伯請以泰山之祊易之而視周公公許

成

桓六年公會紀侯于成杜注在泰山鉅平縣東南在今兗州府寧陽縣東北九十里莊三十年次于成備齊也襄十五年齊人圍成公救之于是城郭後爲孟氏邑定

十一年仲由爲季氏宰將墮成公欲處父曰墮成齊人必于北門是魯邑

鄆

莊二十八年冬築鄆杜注魯下邑在兗州府壽張縣城南五十里

諸

莊二十九年城諸及防杜注今城陽諸縣在今青州府

小穀

莊三十二年城小穀孫氏復謂之宜從穀梁註爲魯

仲城之

費

世爲季氏邑在今沂州府費縣治西南七十里賈逵索

昌衍

昌平城在今曲阜縣東南八十里杜注魯縣東南

郛

在今兗州府泗水縣東南卽城郛備郛難也

鄆

文十二年季孫行父帥師城諸及鄆杜注城陽姑幕縣

南有員亭員卽鄆也在沂州府沂水縣治東北四十

平陽

宣八年城平陽杜注泰山有平陽縣在今泰安府新

陽在兗州府鄆縣西三十里本郛

龍

成二年齊人伐我北鄆圍龍杜注魯邑在泰山博縣西

南今在泰安府城西南

棘

成三年叔孫僑如帥師圍棘杜注棘汶陽之邑在濟北蛇邱縣今當爲泰安府肥城縣地

台

襄十二年莒人伐我東鄙鄆台杜注瑯琊費縣南有台亭在今沂州府費縣東南

桃

襄十七年齊侯伐我北鄙鄆桃杜注魯邑卞縣東南有桃墟在今兗州府泗水縣東南昭七年晉人來治杞田

季孫以成與之而還

陽

關襄十七年時自陽關逆賊孫奮邑杜注在泰山鉅平縣東後屬齊定七年齊人歸鄆陽關卽此在今兗州

縣寧陽

武城

襄十九年城武城魯邑杜注泰山南武城縣子游爲武城宰卽今沂州府費縣西南九十里

高魚

襄二十六年齊烏餘以廩邱奔齊遂襲我高魚魯邑杜注廩邱東北有高魚城今其地在曹州府鄆城縣

東北北與

陽州

襄三十一年齊閭邱嬰伐陽州齊魯境上邑在今泰安府東平州西北昭二十五年公孫丁伐于陽州

杜注云宋敢直前故次于竟定八年公伐

齊門于陽州則此時陽州當爲齊

郕

二十五五年，賦會奔郕。叔孫氏邑。在今泰安府東平州東南。

東野

定五年，季平子行，東野還卒于房。杜注：李氏邑。今關里志：周公後有東野氏，蓋以邑爲氏。東野及房皆近

龜陰田

定十年，齊人來。田。泰山博縣北有龜山。案博縣爲今之泰安府。龜

山在新泰縣之西南，泗水縣之東北，與泰安府境相接。

莒父

定十四年，城莒父。及霄。杜注：魯邑。莒係以父。魯人語音如梁父。亢父，覃父是也。子夏爲莒父宰，卽此。今爲

霄

見上。杜注：魯邑，在今莒州界。

漆

定十五年冬，城漆。杜注：邾庶其邑南。平陽縣東北有漆

啓陽

哀三年，叔孫季孫城啓。杜注：瑯琊開陽縣。今沂州府

邾瑕

哀六年城邾瑕杜注任城亢父縣有邾婁城今在兗

負瑕

哀七年公伐邾以邾子益來囚諸負瑕杜注魯邑高

二十里

闕

哀八年齊人歸讎及闕杜注在東平剛縣北戰國時爲

東陽

哀八年吳伐我克東陽而進舍于五梧明日舍于蠶

里

五梧

見上在費縣西

蠶室

今在兗州府滕縣東三十里有蠶母山

魯地

蔑

隱元年盟于蔑杜注魯地卽姑蔑也魯國卞縣南行姑

城在今兗州府泗水縣東北四十五里定十二年費人
攻公仲尼命申句須蒙頤下伐之
費人北國人追之敗諸姑蔑卽此

潛

隱二年公會戎于潛杜注魯地潛地蓋近戎在今曹州府曹縣故戎城潛當在魯兗州府西南境

唐

隱二年公及戎盟于唐杜注魯地高平方與縣北有武唐亭在今兗州府魚臺縣東十二里

謹

桓三年齊侯送姜氏于謹杜注魯地濟北蛇邱縣西有下謹亭在今濟南府肥城縣西南

祝邱

桓五年城祝邱杜注魯地駐四年夫人姜氏享齊侯于祝邱卽此是齊魯兩境上之邑在今沂州府東南

五十里

咸邱

桓七年焚咸邱杜注魯地高平鉅野南有咸亭在今曹州府鉅野縣西

鄧

桓十年盟于鄧杜注魯地黃帝臣鄧伯溫國與南陽子姓之鄧有別當在今兗州府境

闕

桓十一年公會宋公子闕杜注魯地在東平須昌縣東南魯先公墓所在自闕桓以下皆葬此今兗州府汶上

縣西南三十五里有向肚湖湖中有閼亭其地蓋阜六七卽魯先公葬處定元年季孫使役如闕卽此

曲池

桓十二年盟于曲池杜注魯地魯國汶陽縣北有曲水亭在今曲阜縣東北四十里

趯

桓十七年盟于趯杜注魯地當在今兗州府泗水鄒縣之閒

奚

桓十七年戰于奚。杜注：魯地。今兗州府滕縣南奚公山。

既

莊九年公及齊大夫盟于既。杜注：魯地。邳邳縣北有。

生竇

莊九年殺子糾于生竇。杜注：魯地。在今曹州府曹縣。

長勺

莊十年公敗齊師于長勺。杜注：魯地。路史曰：成王以。

乘邱

莊十年公敗宋師于乘邱。杜注：魯地。西漢泰山郡有。

邱

縣西北三十五里。在今兗州府。

鄆

莊十一年公敗宋師于鄆。杜注：魯地。當在兗州府境與。

濟西

莊十八年公追戎于濟西。杜注：公逐戎于濟水之西。

在

齊界。為齊濟在魯界。為魯濟。蓋魯地。宣元年齊人取。

約

在今曹州府曹縣。僖三十一年晉人以分魯者濟西。

洮

莊二十七年公會于洮。杜注：魯地。伯姬于洮。杜注：魯地。在今曹州府。

薛莊三十一年築臺于薛杜注魯地在今兗州府滕縣東

秦縣有薛城築臺于秦杜注東平范縣西北有秦亭在今曹州府范

梁邱梁邱三十二里宋公齊侯遇于梁邱杜注在高平昌邑

齊宋接界處公羊云梁邱在曹

密閔二年共仲歸及密乃獵杜注魯地瑯琊費縣北有密

汶陽如亭在今沂州府費縣北魯元年公賜季友汶陽之田及費杜注汶水北定十

陽州府密

甯母魯七年盟于甯母杜注魯地高平方與縣東有泥母

卞魯十七年夫人姜氏會齊侯于卞杜注魯國卞縣在今

升陘兗州府泗水縣東五里魯二十二年及邾人戰于升陘杜注魯地

重館魯三十一年戰文仲如晉宿于重館杜注高平方與

鹹文十二年叔孫得臣敗狄于鹹杜注魯地後漢志漢陽

縣春秋時有鹹城濮水之北當在今曹州府曹縣境

勤成二年公會楚公子嬰齊于蜀杜注博縣西北有蜀亭

今兗州府汶上縣西南四十里有蜀山其下有蜀山湖

對與南旺湖東西相陽橋成二年楚侵及陽橋杜注魯地在今泰安府泰安縣

壞墮成十六年公往會晉出于壞墮杜注未詳所在第據

意其地當在公宮不遠又昭公之喪送君者自壞墮而返當在曲阜境內

狸振成十七年公孫嬰齊卒于狸振舊說云魯地杜駁之

王申輓二日未得及魯境也又大夫卒其境內其輓不

書地益明狸振非魯地矣但不知是何國之地耳

劉魯城外之近地

庚宗昭四年穆子去叔孫氏及庚宗高氏曰時穆子適齊

又哀八年吳伐我舍于庚宗次于泗上當在魯北境

此時吳師自武城而來也今兗州府泗水縣有庚宗亭

塞關

昭五年，豎牛奔齊，孟仲之子殺諸塞關之外。杜注：齊魯界上，闕亦六闕之一。

紅

昭八年，大蒐于紅。杜注：蕭縣西有紅亭，今在江南徐州府蕭縣。蕭乃朱邑蕭叔所封，傳云自根牟至于商衡，革

車

千乘，商卽宋也。豈魯蒐于近宋之鄆而蕭縣魯亦有其地與？當更考之。

祲

羊昭十一年，會邾子盟于祲。祥杜注：闕當在今兗州府

拔

定三年，及邾子盟于拔。左傳作邾，又盟于邾。杜注：邾卽

蛇淵

定十三年，築蛇淵園。京相璠曰：濟水有蛇邱城，城

邱輿

哀十四年，司馬牛卒于魯，郭門之外葬諸邱輿。杜注：泰山南城縣西北有輿城，在今兗州府費縣西。

魯山川

泰山

隱八年，鄭伯請以泰山之祊易許田。泰山在今山東泰安府城北五里，史記貨殖傳：其陽在魯，其陰則齊。

防山

僖十四年，季姬及鄆子遇于防。蓋魯國之防山也。防

此卽

龜山

定十三年齊人來歸聊諸龜陰田杜注泰山博縣北

也又詩云奄有龜蒙卽此龜山

萊祚

與七年季孫以挑易孟氏之成其臣謝息辭以無山

萊有二小山名也

洙水

爲莊九年冬洙水注洙水在魯城北下合泗浚深之

爲洙濱南卽泗水孔于設

濟水

莊二十八年公追戎于濟西杜註逐之于濟水之西案

在齊界爲齊濟在魯界爲魯濟水經注濟水過定陶西

東流濟陰乘氏縣西分爲一潰其南潰爲荷水東流

至山陽湖陸縣與泗水合而入淮其東北流人鉅野

又東北過東郡壽良縣西界北徑須昌穀城又東北

盧縣華不注山臺縣管縣梁鄒臨濟樂安而入下

氏所謂思齊魯界者卽東北分流一支在鉅野

衛昌則穿魯界之境所謂濟水也野今亦爲其

遠泉

今兗州府之壽縣須昌在今東平穀
在今東阿縣俱屬秦安府此齊魯分界
莊三十三年公子牙歸及達泉卒寰
曲阜縣東南十里源出平澤台沙溝

于沂渭河志云縣境之泉凡二十二
其五入泗其十六入沂其一入境

汶水

出泰山萊蕪縣西入濟汶水西南入兗州府寧陽縣
其西流者入大清河諸泉流至此而分

泗水

其西流者入大清河諸泉流至此而分
年吳伐晉深入魯地舍于庚宗次于泗上從征記洙

縣東北入里自泗水縣流入滋陽縣界
泗水北入里自泗水縣流入滋陽縣界

潞水

潞水北入里自泗水縣流入滋陽縣界
潞水北入里自泗水縣流入滋陽縣界

開正義云新在潞南田在濟北此晉取邾田之說也
正義云新在潞南田在濟北此晉取邾田之說也

沂水

自昭二十五年季孫請待于沂上以察罪杜注魯城南
西流經此論語所謂浴乎沂風乎舞雩者也又雩水亦

曰泮水魯頌思樂泮水卽此水側有雩壇亦名舞雩
泮水魯頌思樂泮水卽此水側有雩壇亦名舞雩

門因此而名零門魯南城之西門也沂水西入滋陽縣境合于泗水杜注云云蓋以別于沂州之沂水也沂州

見齊地

淄水

出昭二十六年成人伐齊師之飲馬于淄者杜注淄水出泰山梁父縣西北入汶兗州府寧陽縣東北舊有

今淄水

黃池

哀十三年公會晉侯及吳于黃池杜注陳畱封邱縣有黃亭近濟水案地名考從胡傳以黃池列諸衛

地非也公羊傳曰吳在是則天下諸侯莫敢不至趙伯循云黃池魯地故魯獨會之耳若更有諸侯不當不序

是時吳闕爲深溝于商魯之間商即宋魯會而宋不會故吳王歸欲伐宋殺其大夫而因其婦人則趙氏之言

爲有據矣國語稱北屬之沂西屬之濟以會晉公午于黃池沂水出蓋縣臨樂山入泗而濟水在封邱縣南今

河南開封府封邱縣西南有黃池

大野

哀十四年西狩于大野獲麟杜注高平鉅野縣東北里大澤是也大野在今曹州府鉅野縣東十二里兼涉

兗州府嘉祥縣之地舊爲大澤東西百里南北三百里禹貢大野既豬賦方十藪魯有鉅野即此也隋後濟流

枯竭鉅野。由徵元末，河徙，平陸矣。今爲鉅野縣。案晉太和四年，桓溫自兗州伐燕，六月至金鄉，天旱水絕，使將軍毛虎生鑿鉅野三百里，引泗會于清，引舟自清入阿，紇却日清水入河，難以通會，卽此清水卽濟水。是鉅野濟至晉時猶存，綱目注謂漢有鉅野，誤矣。

衛都

朝歌

在今河南衛輝府之淇縣。漢書地理志曰：河南本殷

管叔尹之衛，蔡叔尹之以監殷民，謂之三監。武王崩，三監畔，周公誅之，盡以其地封康叔，遷邲，邲之民于洛邑。今淇縣東北有朝歌城，張治集傳以爲在淇縣北關西，社是也。邲城在府治汲縣東北，邲城在新鄉縣西南三十里，自衛遷楚邱。

遷楚邱

今爲河南衛輝府之滑縣。閔二年，衛懿公爲狄所滅，遇民渡河，立戴公以廬于曹。至僖二年，齊桓公

封衛于楚邱十二年，諸侯城楚邱之邾，曹近楚邱，俱在滑縣。

又遷帝邱

今爲北直大名府之開州。僖三十一年，狄圍衛，衛成公遷于帝邱，杜注：今東都濮陽縣故帝邱。

項之墟故曰帝邱又曰濮陽以地在濮水

死鳥

昭二十年公如死鳥蓋郭門外之地據傳云公遂出

必去郭門不遠又齊公孫青來聘從諸死鳥親

馬路之衢

為城內之衢路公于馬路之衢遂從過齊氏此當

豚澤

定六年魯侯侵鄭不假道于衛陽虎使季孟自南門

衛邑

清

隱四年公及宋公遇于清杜注衛邑濟北清河縣有清

阿縣東北四十里有清亭濟水通得

蒲

桓三年齊侯衛侯胥命于蒲杜注衛地在陳畱長垣縣

之所以待晉楚也蒲殖以蒲出獻公甯氏誅繼受蒲者

為公叔氏出於獻公復以蒲叛是蒲為衛之嚴邑矣今

陵岡向河北行至蒲城東登舟渡河遇風蒙古兵追至

營婁

今河南衛輝府滑縣西南六十里有營婁城西北與

直隸大名府

五鹿

有地名五鹿陽平元城縣東亦有五鹿杜注衛縣西北

疑晉之衛縣今為山東東昌府觀城縣元成縣即今大

名府治也案五鹿為衛邑晉文公取之而仍屬衛襄二

十五年衛獻公自齊還國齊崔杼止其帑以求五鹿此

時蓋屬衛哀四年齊衛收范氏圍五鹿杜注晉邑則又

屬晉其迭屬晉衛且地近邯鄲中牟鄴城則元鹿之說

為長今在大名府有五鹿城二屬元城縣者即沙鹿鄧

開州者衛地五鹿是也開城二屬元城縣者即沙鹿鄧

州東與東昌觀城縣接界

戚

文元年公孫敖會晉侯于戚杜注衛邑在頓邱衛縣西

世為孫氏邑會盟要地孫林父出獻公後以戚如晉晉

桑中

今東昌府觀城縣在開州東接界為

桑中

成二年夫子有言在衛輝府淇縣

夷儀

襄二十五年衛侯入于夷儀杜注本邢地衛滅邢而

伐晉夷儀爲衛討也則又爲晉地蓋實衛之邊邑與齊

懿氏

襄二十六年晉取衛西鄙懿氏六十以上與孫氏杜

正義云上世有大夫姓懿氏食邑於此今城取田六十

羊角

襄二十六年齊烏餘以廩邱奔晉襲衛羊角杜注廩

邱縣所治羊角城是今山東曹州府范縣東南之義

平邱

昭十三年會于平邱杜注在陳開長垣縣西南寰宇

記在封邱縣東四十里蓋縣與封邱接壤陳留風俗

平壽

昭二十年齊豹之亂衛侯在平壽杜注衛邑

犁

哀十一年太叔誘其初妻之娣置于犁杜注衛邑當在

外州

今山東曹州府濮州東南大叔疾淫于外州杜注衛邑

平陽

哀十六年衛侯飲孔悝酒于平陽杜注東郡燕縣東北有平陽亭今衛輝府滑縣東南有葦城葦城南有平陽城案下文云使貳車及祁丁西圖注云還取

泠

廟主西圖孔氏廟所在出奔將適泠杜注近魯邑哀二十五年衛侯出奔將適泠杜注近魯邑

衛地

牧

隱五年鄭人侵衛牧杜注衛地師商之牧野杜佑曰汲郡古牧野地在今衛輝府治汲縣西南二十五里

垂

隱八年宋公衛侯遇于垂杜注衛地左傳大邱一地兩名濟陰句陽縣東北有垂亭今山東曹州府曹縣北三里句陽

店是其地

越

桓元年公及鄭伯盟于越杜注近垂地名當在山東曹州府曹縣附近

桃邱

桓十一年公會衛侯于桃邱弗遇杜注衛地濟北東阿縣東南有桃城今山東泰安府東阿縣西五十里

有桃城錦旁有一邱

莘

桓十六年衛侯使盜待諸莘將殺之杜注莘地陽平縣北有莘亭道厄險自衛適齊之道與

地志陽平之莘有衛二公二子于外處今山東曲阜府
莘縣北莘亭故城是也成二年戰戰傳師征齊而丁莘

卽此地方傳云至衛地
卽指下文之莘而言

首止

南有首止八年齊侯師于首止杜注衛地陳畱襄邑縣東
南有首止八年齊侯師于首止杜注衛地陳畱襄邑縣東

歸德府睢州治東
南接寧陵縣境

城濮

莊二十六年公會齊侯于城濮杜注衛地將討衛之
士子類是時王命齊桓公爲侯伯信二十八年晉文

敗楚于城濮卽此今山東曹州
府濮州南七十里

鹹

今直隸大名府開州東南六十里文十一年得臣敗狄
今直隸大名府開州東南六十里文十一年得臣敗狄

于鹹自爲
魯地別見

斂孟

信二十八八年晉侯齊侯盟于斂孟杜注衛地今直隸
大名府開州東南有斂孟聚是也

襄牛

衛侯出居于襄牛杜注衛地素置襄邑縣明初省縣
併入睢州今屬河南歸德府

鄫

楚師背鄫而舍杜注邱陵險阻名正義曰楚所舍之處
有邱陵名鄫其地有險阻也

二山川考略 九

有莘之墟

晉侯登有莘之墟以觀師杜注故國名元和志

地名又曹州濟陰縣今曹州南三十里有莘仲故城爲
伊尹所耕地案城濮之戰晉侯所望有莘之墟是曹州

宛濮

宛亭近濮水今在直隸大名府長垣縣西南有

清邱

宣十二年同盟于清邱杜注衛地在濮陽縣東南今

新築

成二年衛孫良夫及齊師戰于新築杜注衛地今大

鞠居

齊師次于鞠居杜注衛地後漢志封邱有鞠亭卽古

馬陵

成七年同盟于馬陵杜注衛地陽平元城縣東南有

往

地名馬陵戰國時孫臏射殺龐涓處宋人河北滄運

柯

襄十九年叔孫豹會晉士句于柯杜注魏郡內黃縣東

縣境

莊十三年公會齊侯盟于柯乃齊柯邑在今山東

兖州

府陽穀縣東北五十里曰阿城鎮本兩國地高氏

地名考 而爲一
謂地相口者非是

商任

襄二十一年會于任杜注闕或曰在今彰德府安陽縣境

茅氏

襄二十六年晉成茅氏杜注戚東鄆

圉

孫蒯敗衛師于圉杜注衛地今開州東有圍城

戲陽

昭九年晉荀盈如齊逆女還卒于戲陽杜注魏郡內黃縣北有戲陽城郡國志內黃有弗陽聚今屬河南

彰德府

厥慙

昭十一年會于厥慙杜注闕或曰在今衛輝府新鄉縣境

沙

定七年齊侯衛侯盟于沙左傳作瑣杜注卽沙也陽平元城縣東南有沙亭在今大名府元城縣東

瓦

定八年公會晉師于瓦杜注衛地東郡燕縣東北有五亭今衛輝府滑縣東南瓦岡集古瓦亭也

垂葭

定十三年齊侯衛侯次于垂葭實鄭氏杜注高平鉅野縣西有鄭亭今屬山東曹州府

牽

定十四年會于牽杜注魏郡黎陽縣東北有牽城路史內黃西南三十里有故牽城今在內黃之西南濬縣之

北二縣本連壤內黃今屬河

鐵

南彰德府濬縣屬衛輝府
哀二年晉趙鞅鄭罕達戰于鐵杜注鐵邱名在戚城南

巢

今大名府開州北有戚城其南爲王合里卽戚邱也
哀十一年衛莊公復太叔疾使處巢死焉杜注衛地襄

衛山川

案左傳衛無山僖十四年沙鹿崩杜注沙鹿山

名平陽元城縣東有沙鹿土山此時當屬衛晉

惠公時封域安得到此卜偃之言乃因明年韓

原之敗適與之會而附會之耳穀梁亦以爲晉

山此因後日之晉而追言之非實錄也公羊以

爲天下記異者得之

河
閔二年狄滅衛宋桓公逆諸河育濟衛都朝歌在今衛
輝府淇縣在河北僖二年遷楚邱爲今衛輝府滑縣僖

三十一
年
大名府開州俱在河為今北直

榮澤

以別于鄭州之榮澤也鄭州之榮澤係鄭地正義曰

禹貢導流乃東徙渡河故知此榮澤富在河北但流水

入河乃決被河南多故專得

南河

僖二十八年晉侯伐曹自南河濟杜注曹在衛東從

輝府汲縣南渡出衛南而東黃河故道自新鄉東流徑衛

年晉伐陸渾亦於此復蓋此時汲縣已屬晉矣又東二

洹水

成十七年聲伯夢涉洹杜注洹水出汲郡林慮縣東

縣北至魏郡長樂縣入清水洹水在今彰德府治安陽

阿澤

襄十四年孫氏追敗公徒于阿澤杜注濟北東阿縣

澶淵

襄二十二年盟于澶淵杜注在頓邱縣南今名繁汙此

縣而北出東逕繁陽故城南應劭曰縣在繁水之陽張
安曰縣有繁淵春秋襄公二十年公會晉侯齊侯盟于
澶淵杜預曰在頓邱南今名繁淵澶淵卽繁淵也亦謂
浮水焉彙纂云繁陽故城在今黃縣東北二十七里古
頓邱約略在濬縣之南漢元光三年河水徙頓邱東南
流既而決瓠子故城在今開州西南二十五里則澶淵
之地當在內黃之南開州之北非也彙纂水經注發明杜
氏之說最有根柢而後漢書地理志乃云栒邑故屬梁
國有澶淵聚左傳襄二十一年盟于澶淵南穀志云栒秋
故城在今蕭縣西七十里案江南徐州府蕭縣去直隸

濟水

齊與衛地自濟以西毛詩鄭箋云衛自河以東夾于
濟水孔穎達云濟自河北而南入于河又出而東楚

邱在其間西有河東有濟故曰夾于濟水齊所與衛地
蓋齊衛分境之濟也又濟水亦謂之清水隱四年公及
宋公遇于清杜註清衛邑濟北清河縣有清亭水經注
濟水白魚山而北逕清亭東京相璠曰濟水通得清之

目焉清亭在今山東
東阿縣東北四十里

濮水

定八年衛侯盟于濮濮水東流至
分爲二濮北濮出焉又東逕須城北詩云思須

彭水 昭公十年公北宮蒍于彭水之上詩清也人也城

齊都

臨淄 故齊城在今山東青州府臨淄縣城北班固曰臨淄名營邱師尚父所封以地臨淄水而名齊世世都之

城周五十里有十三門

城內之里曰莊 襄二十八年陳桓子曰得慶氏之木百車

鮑與樂高戰敗諸莊在鹿門之內

曰嶽 襄二十八年慶封伐西門弗克還伐北門克之入伐

門之內合莊與嶽即孟子所謂莊嶽之間也

又有魚里 陳鮑圉人爲優慶氏之士觀優至于魚里杜注里名當近在宮門之外

城西祀西稷之處曰稷

昭十年陳鮑伐萊高戰于稷杜注稷祀后稷之處今臨淄西南十三

里有稷山

其西外有地名棘

陳桓子召子山而反棘馬杜注西安縣東有棘里亭今在臨淄縣西北

西南有狹道名舛中

襄二十五年崔杼弑莊公間邱嬰與申鮮虞乘而出及舛中遂來奔哀十

四年子我失道于舛中卽此志云自臨淄縣西南至萊蕪有長峪界兩山間長三百里爲齊魯往來之道齊乘所云馬徑亦卽此成二年晉師人自邱輿擊馬徑蓋晉自魯來也豈舛中爲峪之總名與而馬徑爲峪中之一與地

西五十里有地名葵邱

莊八年連稱管至父戍葵邱杜注在臨淄縣西京相璠曰齊西五十

里卽雍廩之渠邱二人蓋以久戍而怨非以遠戍而怨也

齊邑

盧

隱三年傳齊鄭盟于石門尋盧之盟也杜注齊地後爲齊公子高後邑成十七年高弱以盧叛卽此今盧城在

濟南府長清縣
西南二十五里

羸

桓三年公會齊侯于羸杜注齊邑今泰山羸縣在今泰安府東南五十里

禚

莊二年夫人姜氏會齊侯于禚杜註齊地實邑也定九年齊侯致禚媚杏于衛杜注三邑皆齊西界據此當爲

齊魯衛三國
分界之邑

鮑

莊八年傳鮑叔牙奉公子小白奔莒今濟南府歷城縣東三十里有鮑城齊乘曰禹後有鮑叔仕齊食采于鮑

因以爲氏
叔牙其後

柯

莊十三年公會齊侯盟于柯杜注齊之阿邑齊威王烹阿大夫卽此今故城在兗州府陽穀縣東北五十里曰

阿城鎮有柯城上下
二闕爲運道所經

周首

文十一年傳齊王子成父獲長狄僑如弟榮如埋其首于周首之北門杜注齊邑濟北穀城東北有周首

亭在今泰安府東阿縣
東近濟南府長清縣界

晏

宣十四年見晏桓子今濟南府齊河縣北有晏城志云晏嬰宗邑

石窠

成二年齊侯以辟司徒之妻有禮于之石窠杜注邑名濟北盧縣東有地名石窠在今濟南府長清縣城

東南三十里以清

邱興

晉師入自邱興擊馬陘杜注齊邑當在今青州府治

馬陘

杜注齊邑史記作馬陵齊乘淄水出益都岳陽山北

處所謂奔中狹道亦即此在益都縣西南近臨淄蓋已直通齊都矣

上鄆

公會晉師于上鄆杜注地關當在今兗州府陽穀縣境蓋齊衛境上之邑

清

成十七年齊侯使國勝告難待命于清杜注平陽平樂縣今東昌府堂邑縣東南有清城

東陽

襄二年晏弱城東陽以逼萊子杜注齊境上邑今青州府臨朐縣東有東陽城

平陰

襄十八年諸侯伐齊齊侯禦諸平陰杜注齊邑在濟北盧縣東北故平陰城今在泰安府平陰縣東北三

十五里

防門

杜注平陰城南有防門于門外作塹橫行廣一里案此即齊梁長城之始戰國時七國皆長城齊

城卽托始于此郡縣志云

部

郵棠

鄉黨

祝

高唐

之宗邑也。穆孟姬爲陳無宇請之。陳氏始大。故城在今濟南府禹城縣北四十里。

棠

廩

閒衛之

崔

襄二十七年崔成請老于崔杜注濟南東朝陽縣西北

有崔氏城崔之宗邑也今在濟南府章邱縣西北二十

邙

邙殿襄二十八年與晏子邙殿其鄆六十杜注齊別都以

封晏子于都昌辭不受都昌古城在今萊州府昌邑縣

舊以爲邙邙殿然古者增封每因其原封而附邑之晏

子本封于晏在今濟南府齊河縣境邙殿當在此都昌

之說不可通余謂高氏之言非也皇興表以高密爲晏

子封邑高密縣屬萊州府蓋以晏弱滅萊棠之故太史

公亦謂晏子爲萊之淄夷人昌邑與高密接壤則其增

封非無據晏城之爲晏或

其未封高密時所食邑耳

陳桓子請老于莒陳私邑在齊東境昭三年齊侯田于

莒卽此高氏曰取地于莒遂謂之莒如鄭取許田而謂

之許楚取沈邑而謂之沈

魯有薛地而謂之薛耳

聊

攝昭二十年晏子曰聊攝以東杜注齊西界聊城縣東

北有攝城實聊城齊邑爲今東昌府治治城自石晉

汴宋以河患再徙古聊城在今府治十五里攝一作聶

水經注聊城縣西二十五里有古聶邑僖元年次于聶

牧邢卽此蓋齊之

西界近邢邑也

媚

定九年齊侯致糕媚杏于衛杜注齊西界當在今濟南府禹城縣徃近魯見前

杏

杜注齊西界當在今東昌府博平縣

賴

哀六年公子陽生入齊使胡姬以安孺子居賴又遷之子駘杜注齊邑哀十年晉趙鞅伐齊毀高唐之郭及賴而還卽此今濟南府治

駘

杜注齊邑或曰在今青州府臨朐縣界

犁

哀十年晉趙鞅伐齊取犁及轅杜注犁一名隰濟南有隰陰縣大夫隰氏之采邑在今濟南府臨邑縣西十里

轅

杜注祝阿縣西有轅城在今濟南府禹城縣西北

博

哀十一年公會吳伐齊克博至于贏杜注齊邑故城在今泰安府泰安縣東南贏見桓三年

舒州

哀十四年陳恒執公于舒州史記作徐州今兗州府滕縣東南薛城是本薛地爲齊陳氏邑案春秋末薛

地尙存是齊侵其近郊之地別置舒州以封陳氏耳

蒙

哀十七年公會齊侯盟于蒙杜注東莞蒙陰縣西亦有故蒙陰城在今沂州府蒙陰縣東十里

夫子

昭十年陳桓子召子周與之夫子杜注濟南於陵縣西北有于亭案於陵齊邑陳仲子所居今故城在濟

南府長山縣南三十里

齊地

石門

隱三年齊鄭盟于石門杜注齊地廬縣故城西南濟水之門也在今濟南府長清縣西南

艾

隱六年公及齊侯盟于艾杜注泰山牟縣東南有艾山不言齊地者尚疑地在齊魯之間在今沂州府蒙陰縣西北又哀十一年齊及吳戰于艾孫氏曰在博縣南六十里在今泰安府泰安縣東南與此自別張守節謂艾

與艾陵爲一地者誤

姑夢

莊八年齊侯遊于姑夢遂田于貝邱杜注齊地卽薄姑一名蒲姑梁安博昌縣南有薄姑城周成王時薄

姑與四國作亂成王滅之以益太公之封復胡公徙都於此在今青州府博興縣東北十五里

堂阜

莊九年管仲請囚鮑叔受之及堂阜而殺之杜注齊地東莞蒙陰縣西北有堂亭在蒙陰縣西北

北杏

莊十三年會于北杏杜注齊地當在今泰安府東阿縣境

落姑

閔元年盟于落姑杜注齊地在今泰安府平陰縣界

陽穀

僖三年齊侯宋公江人黃人會于陽穀杜注齊地在東平須昌縣北今兗州府陽穀縣東北三十里陽穀

故城

是也縣治南有會盟臺即齊桓公會江黃處

穆陵

僖四年管仲對楚子曰南至穆陵杜注齊地穆陵關在青州府臨朐縣東南一百五里

無棣

杜注齊境杜氏通典鹽山春秋之無棣邑也元於其地分置兩縣今北直天津府之慶雲山東武定

府之海

豐皆元所分無棣之地皆以棣溝得名詳見山川案無棣是齊西北邊境其地廣莫今現跨兩省春秋

置之

邑安得如此之大通典失之

牡邱

僖十五年盟于牡邱杜注地闕今東昌府治聊城縣東北七十里里有牡邱或云即春秋會盟處

鄆

僖十八年宋敗齊師于鄆立孝公而還杜注齊地在今齊南府治歷城縣界

鄆

僖二十六年公追齊師至鄆弗及杜注齊地濟北穀城西有地名鄆下在今泰安府東阿縣西南趙氏曰鄆齊

之附庸紀
季之邑

鄆

文十六年公子遂及齊侯盟于鄆邱杜注齊地當在今

平

宣元年公會齊侯于平州杜註齊地在泰山牟縣西

垂

宣八年仲遂卒于垂杜註齊地非魯竟故魯地當在今

鞏

成二年齊晉戰于鞏杜註齊地通典云鞏在平陰縣東

府應城

袁

引穀梁曰袁婁去齊五十里且公穀二傳並爲近郊

之辭張氏洽因曰臨淄縣西有袁婁

莘

師從齊師于莘杜注齊地桓十六年衛公子伋使于齊

使盜待諸莘卽此今爲東昌府莘縣杜注一云齊地

云齊地高氏以莘去鞍四百餘里齊侯既親過齊境

上卽當過而使進何爲不戰而退縱敵入境四百里而

後戰疑莘亦當爲近鞍之地今細察古傳本文

莘確是東昌府之莘縣專屬一地與齊亦無涉

徐關

齊侯自徐關入今濟南府山川有徐關

大隧

襄十九年齊及晉平盟于大隧杜注地闕或曰在今東昌府高唐州竟

重邱

襄二十五年同盟于重邱杜注齊地今東昌府鄆城縣東北跨莊平縣界有古重邱爲諸侯會盟處衆傳

云濟南府德州亦有重邱城或云會盟處以經文考之公會諸侯于夷儀同盟于重邱夷儀爲北直順德府地

去東昌爲近自夷儀涉齊境則其地當在聊城

寧風

昭五年孟仲之子殺豎牛投其首於寧風之棘上杜注齊地

野井

昭二十五年齊侯唁公于野井杜注濟南祝阿縣東有野井亭在今濟南府齊河縣東濱河北岸

夾谷

定十年公會齊侯于夾谷杜注卽祝其舊以濟南淄川縣西南三十里有夾谷上有夾谷臺爲定公會齊

侯處案齊魯兩君相會不應去齊若此之近夫魯若此之遠今泰安府萊蕪縣有夾谷峪名勝志以爲萊兵劫

魯侯處庶幾近之

安甫

定十年會于安甫杜注闕張洽傳曰齊地

鄆

哀十年公會吳伐齊南鄆師于鄆杜注齊地

清

哀十一年齊伐我及清杜注齊地濟北盧縣東有清亭今爲濟南府之長清縣又隱四年公及宋公過于清杜注衛地濟南東阿縣有清亭今屬泰安府蓋當時濟水

流于二邑之間而清地跨占其左右故二國皆得有清也

顧

哀二十一年公及齊侯盟于顧杜注齊地詩云韋顧既伐卽此今曹州府范縣東南有顧亭

留舒

哀二十七年齊陳成子救鄭及留舒違穀七里穀人不知杜注齊地今泰安府東阿縣西南有留舒城與

東平州接壤

齊山川

泰山

史遷曰自泰山北被于海膏壤二千里

艾山

隱六年公及齊侯盟于艾杜注泰山牟縣東南有艾山高氏曰今沂州府蒙陰縣西北百二十里有艾山漢牟縣屬泰山郡晉因之在今萊蕪縣東二十里蒙陰正在萊蕪東南又桑氏水經沂水出

靡笄

今濟南府

治歷城縣南十里

亦曰靡笄山

杜注靡笄山名

元年代齊齊靈公戰于靡下徐廣曰靡當作左傳作

靡笄

下省文而爲靡下

又謬靡而爲

漢三平

信襲破齊惡下軍卽此鄭康成之惡山卽首山山有

九名懸下其一也

三齊記

歷下城南對歷山城在山王

因

華不注

成二年

晉逐齊侯

三周華不注

杜注山名華不注

言此山孤秀如花跗之著于水云

華不注

山在濟南府城東北十五里有華泉伏琛云不音

跗與詩鄂不韡韡之不同謂花蒂也

巫山

襄十八年齊侯登巫山以望晉師杜注巫山在盧縣

東北今濟南府肥城縣西北七十五里卽齊侯望晉

處師

格馬山

襄十八年晉師伐齊齊師遁殖綽郭最代夙沙衛

在今濟南府長清縣東南六十里水經注漢賓水出南

格馬山

北流盧縣故城北山卽夙沙衛殺馬塞道處也

海

信四年管仲對楚子曰賜我先君履東至于海西至于

河蘇秦曰齊有渤海韓非子齊景公遊于少海今自青

海

信四年管仲對楚子曰賜我先君履東至于海西至于

河蘇秦曰齊有渤海韓非子齊景公遊于少海今自青

海

信四年管仲對楚子曰賜我先君履東至于海西至于

海

信四年管仲對楚子曰賜我先君履東至于海西至于

河蘇秦曰齊有渤海韓非子齊景公遊于少海今自青

海

信四年管仲對楚子曰賜我先君履東至于海西至于

海

信四年管仲對楚子曰賜我先君履東至于海西至于

河蘇秦曰齊有渤海韓非子齊景公遊于少海今自青

海

信四年管仲對楚子曰賜我先君履東至于海西至于

海

信四年管仲對楚子曰賜我先君履東至于海西至于

河蘇秦曰齊有渤海韓非子齊景公遊于少海今自青

海

信四年管仲對楚子曰賜我先君履東至于海西至于

海

信四年管仲對楚子曰賜我先君履東至于海西至于

河蘇秦曰齊有渤海韓非子齊景公遊于少海今自青

海

信四年管仲對楚子曰賜我先君履東至于海西至于

州碣石南至登州沙門島皆爲渤海卽少海也孔穎達曰齊地當盡樂安北海之東界今濟南東北境皆濱海青州之博興書光渤海沂州之日照濱海登萊二府三面距海當其北者爲渤海當其東南者爲大海桓公時

未能有登萊之地故曰東至于

紀鄆後滅萊則東盡于海矣

河

古九河故道在河間成平以南平原高縣以北九河徙駭最西以次而東計桓公之時齊之東境當在最西徒駭是其西界耳又尚書禹貢彙纂曰九河故道春秋時

已湮廢徙駭大勢當在山東德州以上及直隸河間府

數百里之地則齊

無棣

又管仲曰北至于無棣水經注清河入南皮縣界分

杜氏通典臨山春秋之無棣邑也自後廢置不一至元

濟南路之棣州明改河間之無棣爲慶雲屬滄州改濟

南之無棣爲海豐屬武定州今海豐滄之境皆有無棣

濟水

大隱三年齊鄭盟于石門鄭伯之車僨于濟濟卽今之

通濱海魚鹽之利亦曰無棣河今淤

濟南府長清縣界二十五里自平陰縣流

入境又東北入齊河縣

灤水

桓十入年公會齊侯于灤杜注灤水在厯城縣西北

在濟南府城西南濟水伏流重發處經城北而東大明

湖自城北入大清河即濟瀆也宋南渡時灤水分流入章

又東北入大清河行五百餘里至馬車瀆入海明永

樂後

縣界謂之小清河行五百餘里至馬車瀆入海明永

自華不注東北入大清河仍

時水

莊九年及齊師戰于乾時杜注時水旱則乾渴故名

華泉

成三年戰於華泉傳丑父使公下如華泉取飲華泉華不

申池

文十入年齊懿公游于申池杜注齊南城西門名申

即系水源也襄十八年晉及諸

侯伐齊焚申池之竹木即此

天

濰水

東北至北

海都昌縣入海濰南及沂杜注濰水在東莞

北

九十里之

箕星山即濰山也土人名爲淮河昭十二

年

中行穆子

曰有酒如淮有肉如坻劉焯曰淮當作濰

是也

東流歷

諸城高密安邱濰縣至昌邑

縣

之東北五

十里入都昌縣即古都昌境

沂水

抵蒙陰縣

沂州府沂水縣西北一百七十里雕崖山

馬湖

又南入

運河會氏曰水以沂名者非一尼邱山北

經

魯之雩門

者亦謂之沂水出於泰山武陽之冠石山亦

謂

之沂水而

沂水之大則出於泰山武陽之冠石山亦

哀

二年取沂

西田係小沂水與此又別

淄水

太公始封

營邱孔穎達曰營邱臨淄水上故曰臨淄

南

顏神鎮東

南二十五里之原山徑臨淄縣東南流

至

壽光縣北

入海田單馳騁于淄澠之間蓋淄水在城

南

澠水在城

北也易

牙

龍別淄澠

即此

淄水

昭十二年

晉侯與齊侯宴齊侯曰有酒如繩杜注澠

水

出齊國

臨淄縣北入時水澠水在今青州府臨淄

縣

西源出故

城西南之申

界

入于時水

姑水尤水

昭二十年晏子曰聊攝以東姑尤以西杜注姑

曰大姑河發源于登州府黃縣西南三十里之蹲狗山東南福山界又折而西南歷招遠萊陽以至子平度州南故卽墨城尤水今日小姑河發源于萊州府東南三十里之馬鞍山亦東南流至平度州與大姑河合通名沽河至膠州卽墨縣入海起北海至南海行三百餘里繞濟東界

春秋楚邑之在今河南者

析

僖二十五年秦晉伐都過析限而係輿人以圍商密商

密人懼曰秦取析矣杜註楚邑一名白羽今南鄉析縣昭十八年楚遷許於此今河南南陽府內鄉縣卽其地近武關戰國時秦昭王發兵下武關攻楚取析是也

期思

文十年楚子田孟諸期思公復遂爲右司馬杜注弋陽期思縣故蔣國楚滅之以爲邑今河南光州固始

縣西北七十里

商

文十年子西爲商公杜注楚邑上雒商縣今陝西商州

城爲商鞅封邑張儀以商於地註楚襄驕曰有商城在於中故曰商於鄢道元曰丹水經內鄉丹水二縣間隔

于中故曰商於或謂商卽商州於卽內鄉至商州凡六百里皆在商於地矣

葉

宣三年鄭文公生公子士朝于楚楚人酖之及葉而死杜注南陽葉縣楚遷許于葉王子勝曰葉在楚方城外之蔽也楚子乃使遷許于析而更以葉封沈諸梁號曰

葉公東魏置襄州其地險隘高齊保此以備周今河南南陽府葉縣南三十里有古葉城

沈

宣十二年戰于邲沈尹將中軍杜注沈或作寢寢縣也今汝陰固始縣案此沈國之別邑楚取之以爲重鎮故

沈尹見于春秋甚詳時爲沈尹者莊王之子公子貞也靈王時有沈尹射平王時有沈尹赤昭王時有沈尹戌

惠王時有沈尹朱邑本名寢楚人因取之于沈遂謂之沈至光武時改名固始今屬河南光州又沈本國定四

年爲蔡滅後入楚爲平輿邑在今汝寧府沈邱縣後漢地理志汝南郡有平輿有沈亭故國與輿圖備考于河

南沈邱下注云古沈子國漢平輿合諸後漢志平輿有沈亭之說相符則沈國之在沈邱明矣

呂

成七年子重請申呂爲賞田呂爲虞夏時國國語史伯所謂當成周者南有申呂後并于楚今南陽府城西三

十里
呂城

新石

成十五年鄭子罕侵楚取新石杜注楚邑當在河南

棘

襄二十六年聲子曰吳於是乎伐巢取駕克棘杜注楚

櫟

昭四年吳伐楚入棘櫟麻杜注楚東鄱陽府永城縣南

店郎古櫟城也若鄭之櫟邑

城父

城父楚有兩城父其一昭九年楚公子弃疾遷許于夷黃

時置又名譙縣陳取焦夷杜注夷一名城父即此焦邑秦

東五十里築精舍往往治兵於此以擊孫權曹丕改建

東南七十里有城父城是也又有北城父昭十九年費

子建居于城父杜注今襄城城父縣此又一城父也哀

十年昭王攻大冥卒于城父即此漢置父城縣王莽末

不羹

昭十一年楚子城陳蔡不羹杜注襄城縣東南有不

今河南許州襄城縣東南有西不羹城定陵故城在河南南陽府舞陽縣西北有東不羹城

中犇

昭十三年王奪闕韋龜中犇田杜注邑名疑在南陽府境

邱皇

城邱皇遷管人焉在今河南汝寧府信陽州境

訾

亦在信陽州境昭十三年楚靈王師及訾梁而潰卽此

卷

昭二十六年使熊相郭巢季然郭卷杜注使二大夫爲巢卷二邑築郭也卷城在南陽府葉縣南後漢志葉有

卷城今河南南陽府葉縣西界

養

昭三十年吳公子掩餘獨庸奔楚楚子大封而定其徙逆吳公子使居養秀尹然左司馬戌尹戌城之取于城

父與湖田以與之杜注養卽楚封公子之邑胡田故胡

子之地今河南陳州府沈邱縣東有養城春秋時養邑

也杜雖不言養所在然他處註云城父屬譙郡汝陰縣

西北有胡城譙郡今爲江南亳州汝陰今爲潁州府沈

豐

上養邑在此理可通矣

哀四年司馬起豐析與狄戎杜注楚邑析南有豐鄉今

河南南陽府浙川縣西南有豐鄉城其地與鄖陽相接

析

地

先邑析縣屬南鄉郡今浙川縣及內鄉之西北境

白

哀十六年子西召故太子建之子勝于吳使處吳境爲

息縣東有白城東北

春秋楚地之在今河南省者

陘

僖四年齊伐楚次于陘杜注陘川召陵縣南有陘亭在

召陵

今河南許州鄆城縣召陵故城也今鄆城縣東四十五里有

武城

僖六年許僖公見楚于武城杜注楚地在南陽宛

鄧

成九年鄭伯會楚公子成于鄧桓二年蔡侯鄭伯會于

鄧穀梁傳曰鄧楚地不知其國公羊傳曰鄧與會爾又

賈逵服虔遂以鄧爲國而正義駁之云蔡鄭懼楚始爲

此會不應求近楚小國故知其非鄧國也昭十三年楚

蔡公召子于子哲盟于鄧杜注潁川召陵縣西南有鄧

城推知桓二成九兩會皆在此矣戰國時楚懷王伐蔡

敗于藍田韓魏聞之襲楚至鄧卽此今河

南許州鄆城縣東南二十五里有鄧襄城

汝陰之田

杜注成十六年楚使公子成以汝陰之田求成于鄭

正義汝陰汝南田蓋在汝

繁陽

襄陽南今河南汝寧府新蔡縣有繁陽亭

雩婁

襄陽南今河南汝寧府新蔡縣有繁陽亭

婁始境二邑相隣並也水經注雩婁故吳地此誤本傳

所云聞吳有備而還是不入吳境也又爲孫叔敖水

雩婁楚之東邑

豫章

昭六年楚使薳馭伐徐吳人救之令尹子蕩帥師伐

凡六見于左傳杜注始云在江北淮水蓋後徙江南豫

由是諸說紛然至求之湖廣德安府之章山施諸吳楚

文前後吳人敗諸豫章獲其五帥則相距千餘里求諸傳

饒州南康二府西抵九江府之北接以廬壽西接光黃皆
江爲江南安慶府之宿松北以淮南蓋鳳陽以西壽
爲楚豫章之地跨大江南北以及淮南秦滅楚置九
霍光固之境皆近淮壩爲吳楚日交兵處今日但以江
西爲豫章乃漢豫章郡非春秋豫章地也秦滅楚置九
江郡漢分九江置豫章郡乃通春秋之豫章爲名如
會稽本在浙東而秦漢之會稽則盡有浙西之地也皇
興表以南昌爲吳豫章地尤非南昌乃漢豫章郡治如
秦會稽郡南昌治蘇州其地統隸極遠豈今日求會稽於
蘇州乎且南昌始終爲楚地與吳無涉考史記閩閩十
一年吳伐楚取番番即今鄱陽縣爲饒州府治而閩閩
未有饒州之地又安得越南康九江二府而先有南昌
也哉由是知左傳舍舟淮汭自豫章與楚夾漢豫章斷
非今日之南昌案淮汭爲今壽州在淮之南杜氏所云
豫章在江北淮水南者正當卽指淮汭而言蓋舍舟於
此遵陸亦當由此耳至漢東之
說高氏辨之甚明不諱可也

訾梁

地名

師及訾梁而潰梁今在河南汝寧府信陽州界江北

大隧直轅冥阮

左司馬戍謂子常曰子沿漢而與之上下
我悉方城外以毀其舟還塞大隧直轅冥

扼杜注三者漢東之隘道又城口是三隘道之總名所謂義陽與三關之塞也三關之中其扼最著在河南汝寧府信陽州東南九十里湖廣德安府應山縣北六十里一名平靖關其關因山爲障不營濠湟故以平靖爲名亦曰冥塞莊辛對楚襄王穰侯填颺塞之內投已乎颺塞之外是也大隧亦名武陽關在信陽州東南一百五十里西南至應山縣一百三十里地名大塞嶺薛氏云三關之險大塞嶺爲平易是也直隸一名黃峴關又謂之九里關在信陽州南九十里南至應山亦九里義陽城與三關勢如首尾南北朝時最爲重鎮得失不常侯景之亂三關爲齊有南國之勢益弱春秋之世楚所持以爲國者申息之閒方城之外扼要惟此也

稷

定五年秦子蒲使楚人先與戰而自稷會之大敗吳夫概王于沂杜注楚地當在河南南陽府桐柏縣境

堂谿

吳夫概王奔楚爲生谿氏杜注楚地水經注潁水出汝南吳房縣吳房縣西北有堂谿城卽此也吳房本房

子國楚封夫概於此故曰吳房今河南汝寧府遂平縣西吳房故城北有堂谿城與西平縣及許州鄆城縣相

壤接

負

哀四年楚人謀北方致蔡于負函杜註楚地在今河南汝寧府信陽州境

倉野

右師軍于倉野杜注在上洛縣今陝西商州東南有倉野聚

三戸

楚執蠻子與其五大夫以界楚師于三戸杜注丹水縣北有三戸亭今河南南陽府浙川縣西南有三戸

楚城

卽此

春秋楚山川之在今河南省者

方城

僖四年屈完曰楚國方城以爲城漢水以爲池杜注方城山在南陽葉縣南方城山名在今河南南陽府

裕州東北四十里葉正在州北楚人因山爲國築連城東向以拒中國則屈完所謂方城以爲城也今自葉縣

之方城山至唐縣連接數百里一曰長城山卽古方城舊蹟

析隈

僖二十五年秦晉伐都秦人過析隈入而係輿人以圖商密杜注析今南鄉析縣析隈山名在今河南南

陽府鄧州南七十

萊山

昭五年沈尹赤會楚子次于萊山今河南光州光山縣南百五十里有天臺山或云卽萊山

汾陘之塞

戰國策蘇秦曰楚北有汾陘之塞鮑彪注曰陘召陵陘亭汾在襄城陘山在今河南許州鄆城

縣南又新鄭亦有陘山在縣南三十里蓋陘塞綿亘甚遠蘇秦說楚北有汾陘說韓曰南有陘山蓋二國皆恃

此爲險在楚爲北塞在韓爲南塞也徐廣曰陘山絕之名

汾

襄十八年楚子庚治兵于汾杜注襄城縣東北有汾邱城汾邱在今河南許州襄城縣東北史記秦昭王四十

三年攻韓汾陘拔之蓋與新鄭陘山俱爲南北隘道

淮

桓八年楚武王侵隨軍于淮漢之間淮源出桐柏山在今河南南陽府桐柏縣東一里東南接湖廣德安

府隨州卽春秋時隨國正當漢之東淮之南故曰軍于淮漢之間是時南陽之境猶未爲楚有後文王縣申息

封畛于汝則淮爲楚境內之水矣

汝

水成十六年楚以汝陰之田求成于鄭杜注汝水之南也鄭地汝水出河南魯山縣東北徑伊陽至汝州南

又東南徑寶城南入南陽府裕州厯許州之襄城鄆城南至汝寧府西平境又南流至潁州府南而入于淮其

自南陽以下皆楚境也楚文王封畛于汝蓋楚地止于汝水之南其在汝州邲縣及裕州葉縣間者皆汝陰之

也田

潁水

昭十二年楚子狩于州來次于潁尾杜注潁水之尾在下蔡西潁水出潁城山東至下蔡入淮在今江南

潁州府潁上縣與鳳陽府壽州接界潁水入淮處在壽州西北四十里所謂潁尾亦謂之潁口荀子曰楚以潁

潁水

襄十六年晉楚戰于潁阪楚師敗績晉師遂侵方城之外杜注昆陽縣北有潁水東入汝潁水今在河南

南陽府葉縣北三十里縣北二十里有昆陽城周禮荊州其浸潁潁水經注潁水出犂縣北魚齒山東南流潁

潁水

于潁阪即此戰

羅水

昭五年楚子以驛至于羅洧杜注羅水名今河南汝寧府羅山縣舊有羅水北入淮楚王當至此或言卽

汨羅不應反過洞庭湖南大謬

如泰

沃

男姪

聲有普孫啓

字豐校字

裕幹

光